



HIMPUNAN KEPUTUSAN
FATWA
NEGERI PULAU PINANG
2006-2010



HIMPUNAN KEPUTUSAN MESYUARAT JAWATANKUASA FATWA NEGERI PULAU PINANG TAHUN 2006

Cadangan Pebesaran Sempadan Qaryah Lahar Tembun, Seberang Perai Utara.	00
Cadangan Pembinaan Makam Di Masjid Negeri.	00
Cadangan Perlaksanaan Pemeriksaan Kesihatan Kepada Bakal Pengantin Di Negeri Pulau Pinang.	00
Permohonan Mewakafkan Tanah Atas Lot 624, Seksyen 2 Georgetown, DTL Oleh Puan Hasmah Binti Bakar.	00
Status Tapak Perkuburan Islam Di Tapak Kuil Hindu Ayira Vaisar Merchants Atas Lot 1875 & 1876, Sek. 2 Georgetown, DTL.	00
Status Pemilikan Faedah Atas Tanah Wakaf Lot 717, Mukim 16, SPU.	00
Isu Hukum Amalan Duduk Di Atas Kubur.	00
Permasalahan Pengagihan Wang Zakat Untuk Program Tuisyen UPSR/PMR Dan SPM Di Sekolah-Sekolah Terpilih Di Pulau Pinang.	00
Memohon Surat Sokongan Bagi Projek Terjemahan Al-Quran Untuk Dakwah Di Hotel Dan Pelbagai Agensi.	00
Cadangan Membaiki Masjid Kuala Juru Dan Menunaikan Solat Jumaat Di Dewan Serbaguna Kuala Juru, SPT.	00
Permohonan Untuk Mendirikan Solat Jumaat Di Surau Pusat Serenti, Kampung Selamat, Tasek Gelugor.	00
Cadangan Untuk Menggunakan Dana Dari Akaun Tawaqquf Sebanyak Rm 450,000.00 Sebahagian Kos Pembelian Bangunan Alinamin, Lebuh Chulia, Pulau Pinang.	00

Status Tapak Kubur Orang Islam Atas Lot 306 Mukim 2, Seb. Perai Selatan Milik En. Goh Kheng Huat.	00
Permohonan Membina Sekolah Agama Rakyat Atas Tapak Perkuburan Islam Taman Kuala Muda, Penaga Di Lot Pt 500, Mukim 1, SPU.	00
Cadangan Mengadakan Solat Jumaat Di Masjid Bukit Bendera, Pulau Pinang.	00
Permohonan Untuk Meletakkan Tanah – Tanah Dikenali Sebagai P.T.2, Mukim A Dan P.T.73, Mukim 1, Daerah Barat Daya, Pulau Pinang Di Bawah Pengurusan Bahagian Sumber Am, MAINPP.	00
Memohon Untuk Mendirikan Solat Jumaat (Sementara) Di Surau Institut Latihan Perindustrian, Kepala Batas, SPU.	00
Aduan Tapak Perkuburan Atas Lot 3662, Mukim 3, Seberang Perai Utara Oleh Umibina (M) Sdn. Bhd.	00
Usaha-usaha Menghidupkan Semula Arqam Melalui Syarikat Rufaqa' Corporation Sdn.bhd.(Src) Dan Rangkaian Syarikat Gabungannya.	00
Cadangan Melaksanakan Konsep Istibdal Bagi Permohonan Pemajuan Perumahan Secara Usahasama Oleh Pansprint Consolidated Sdn Bhd.atas Tanah Wakaf Perkuburan Di Lot 45, Seksyen 2, Bukit Mertajam. SPT.	00
Permohonan Menutup Surau Lama Mutiara Perdana, Lengkok Kelicap, Bayan Lepas, daerah Barat Daya Bagi Membolehkan Penduduk Menggunakan Surau Baru Mutiara Perdana.	00
Pengesahan Hukum Pengagihan Dana Zakat Kepada Golongan Bukan Islam.	00

Cadangan Menambun Tanah Perkuburan Islam Kayu Mati,
Qaryah Masjid Al-Ittifaq, Sungai Nibong Kecil, Pulau Pinang. 00

Permasalahan Pajakan Premis Di Atas Tanah Wakf Bagi
Cadangan Usahasama Pembangunan Tanah Wakaf Lot 1444,
Mukim 4, Seberang Jaya, Seberang Perai Tengah, Pulau Pinang. 00

Dakwaan Kubur Orang Islam Atas Lot 100, Seksyen 1,
Butterworth, Seberang Perai Utara. 00

Permohonan Untuk Mendirikan Sekolah Agama Rakyat Atas Lot
Pt 2330, mukim 13, DTL Dan Permasalahan Tanah Wakaf Atas
Lot 6602, Mukim 13, DTL. 00

Cadangan Menggunakan Sumber Hasil Wakaf Bagi Tujuan
Melaksanakan Projek Pembangunan 14 Unit Rumah Kediaman
Di Atas Tanah Wakaf Lot 192 Mk.1, Seberang Perai Tengah. 00

Permohonan Kelulusan Tapak Tujuan Projek Pembinaan Gerai
Jualan Di Atas Lot 1524 Mk. 3, Kampung Ara Kuda (Kawasan
Masjid Ara Kuda) Dan Lot Pt. 264 Mk.13 Kampung Padang
Cempedak (Kawasan Masjid Ar-rahman Padang Cempedak)
Oleh Pengarah Fama. 00

HIMPUNAN KEPUTUSAN MESYUARAT JAWATANKUASA FATWA NEGERI PULAU PINANG TAHUN 2007

Permohonan Pemindahan Masjid Papan, Kampung Pertama,
Sungai Pertama, Seberang Perai Tengah Dari Lot 1345 Dan
Lot 1346 Mukim 4 Serta Menggantikannya Dengan Tapak Dan
Bangunan Masjid Baru Serta Tanah Perkuburan Islam Di Atas
Lot 2256 Dan Sebahagian Lot 1029, Mukim 6, Seberang Perai Tengah. 00

Cadangan Penubuhan Qaryah Baru, Simpang Tiga, Tasek
Gelugor, Seberang Perai Utara. 00

Permohonan Untuk Melaksanakan Program Tahfiz Al-Quran Oleh Madrasah Tahfiz Al-Kayyis Di Masjid Merbau Kudung, Sungai Dua, Seberang Perai Utara.	00
Melabur Wang Lebihan Zakat (Tawaqquf) Dalam Pelaburan Simpanan Tetap Al-Mudharabah Bank Islam Malaysia Berhad.	00
Cadangan Meroboh Dan Membina Semula Masjid Jamek Sg. Gelugor, Pulau Pinang Di Atas Lot 3386, 3387 Dan 3388 Mukim 13, Daerah Timur Laut, Pulau Pinang.	00
Memohon Untuk Memindahkan Kubur-Kubur Yang Ada Di Kawasan Cadangan Bagi Pembesaran Masjid Jamek Sungai Gelugor Di Atas Lot 3386, 3387 Dan 3388 Mukim 13 Daerah Timur Laut.	00
Aduan Tapak Jirat Hindu Di Atas Lot 1276 Mukim 11, Seberang Perai Utara.	00
Masalah Binaan Tandas Memasuki Sebahagian Tanah Wakaf Perkuburan Masjid Jamek Jelutong, Pulau Pinang.	00
Cadangan Meroboh Dan Membina Semula Surau Al-Falah, Gat Lebu Macallum, Pulau Pinang.	00
Cadangan Membina Ruang Tambahan Tempat Solat Di Tingkat Atas Masjid Al-Ittifaq, Sungai Nibong Kechil, Pulau Pinang.	00
Cadangan Untuk Meroboh Dan Membina Semula Masjid Telaga Air, Daerah Seberang Perai Utara.	00
Status Tapak Perkuburan Islam Di Belakang Restoran Sun Yoon Kee Seafood Di Atas Lot No.400, Seksyen 18, Georgetown, Daerah Timur Laut.	00
Permohonan Untuk Menentukan Status Tanah Cadangan Surau Di H.S.(D) 50272, Lot 6364, Mukim 1, Daerah Seberang Perai Tengah.	00

Cadangan Pembangunan Tanah Wakaf Masjid Kapitan Keling Oleh Pelaburan Hartanah Bumiputera Bhd.	00
Cadangan Penetapan Hukum Zakat Ke Atas Projek Ternakan Kambing Boer Yang Dusahakan Lembaga Kemajuan Wilayah Pulau Pinang, Jabatan Perdana Menteri (Perda).	00
Permasalahan Mengenai Qaryah Masjid Tasek Cempedak, Seberang Perai Selatan.	00
Cadangan Penubuhan Masjid Daerah Seberang Perai Utara.	00
Permohonan Suntikan Modal Kepada Syarikat Permodalan Wakaf Pulau Pinang Sdn. Bhd. (PWPPSB) Menggunakan Wang Dana Wakaf.	00
Cadangan Menambun Tanah Perkuburan Islam Masjid Jamek Sungai Nibong Besar, Pulau Pinang.	00
Mengubahsuai Bumbung Bangunan Masjid Jamek Perangin, Daerah Timur Laut, Pulau Pinang.	00
“ Tariqat A'liyah Naqsyabandiyah Mujadidiyah –Al-Khalidiyah (Ajaran Suluk) Kampung Gurun, Penaga Dan Pondok Upeh, Balik Pulau, Pulau Pinang.	00
Permohonan Untuk Mendapatkan Kelulusan Mengubah Dan Menggantikan Tapak Surau Al-Hidayah, Batu Uban, Pulau Pinang Yang Terletak Di Atas Tanah Wakaf Lot 4691, Mukim 13, Daerah Timur Laut, (Gm 498) Bagi Membangunkan Sebuah Stesyen Minyak Shell.	00
Permohonan Menggunakan Masjid Lama Tanjung Bungah Sebagai Pusat Aktiviti Masyarakat Kawasan Tanjung Bungah, Pulau Pinang.	00

Permohonan Mengadakan Solat Jumaat Di Surau Limbungan Kapal, Penang Shipbuilding & Construction Sdn. Bhd. Pulau Jerejak, Pulau Pinang. 00

Cadangan Bayaran 20% Dari Keuntungan Pelaburan Mudharabah Wang Tawaqquf Disumbangkan Kepada Bahagian Pentadbiran MAINPP. 00

Cadangan Pengambilan Balik Tanah Atas Lot 4999, Mukim 7, Seberang Perai Utara (Tapak Masjid Darat). 00

Cadangan Penubuhan Qaryah Baru Sri Ampangan Nibong Tebal, Seberang Perai Selatan. 00

HIMPUNAN KEPUTUSAN MESYUARAT JAWATANKUASA FATWA NEGERI PULAU PINANG TAHUN 2008

Cadangan Pembinaan Bangunan Tambahan, Bahagian Belakang Masjid Jamek Jelutong, Jalan Jelutong, Daerah Timur Laut, Pulau Pinang. 00

Cadangan Penubuhan Qaryah Baru Sungai Dua Dan Mendirikan Solat Jumaat Di Masjid As-Soghir. 00

Permohonan Untuk Mewakafkan Tanah Dan Rumah Oleh Puan Hajah Salmiah Binti Abu Bakar, Atas Lot 3945, Mukim 4, Seberang Perai Utara. 00

Permohonan Untuk Menggunakan Sebahagian Tapak Masjid Atas Lot PT 25, Mukim 11 (Merbau Kudong) Seberang Perai Utara, Sebagai Tapak Perkuburan Islam. 00

Status Tapak Kubur Orang Islam Atas Lot 185, Mukim 11 (Changkat), Seberang Perai Selatan, Milik En. H'ng Ha Choo. 00

Status Tapak Kubur Orang Islam Atas Lot 2031, Mukim 12 (Sungai Ara), Daerah Barat Daya. 00

Cadangan Untuk Menggunakan Wang Pampasan Pengambilan Balik Tanah Wakaf Bagi Membeli Lot 126, Mukim 3 (Sungai Rusa), Daerah Barat Daya.	00
Cadangan Meroboh Dan Membina Semula Masjid Jamek Kampung Banggol, Kepala Batas, Seberang Perai Utara.	00
Permohonan Mendapatkan Pandangan Syarak / Kelulusan Jawatankuasa Fatwa Mengenai Cadangan Kutipan Wakaf Tunai Bagi Pembangunan Tabung Dana Wakaf Pendidikan ISDEV (Wakaf Education Fund For ISDEV) Atau WISDEV Oleh Pusat Kajian Pengurusan Pembangunan Islam (ISDEV), Universiti Sains Malaysia.	00
Cadangan Meroboh Dan Membina Semula Masjid Jamek Al-Munauwar, Kelawai, Daerah Timur Laut, Pulau Pinang.	00
Cadangan Mengadakan Solat Jumaat Di Surau Institut Kemahiran Tinggi PERDA (PERDA-TECH) Bukit Panchor, Nibong Tebal, Seberang Perai Selatan, Pulau Pinang.	00
Cadangan Mendapat Pandangan Jawatankuasa Fatwa Mengenai Corak-Corak Pada Dinding Marmar, Masjid Jamek Haji Abdul Kadir, Bagan Tuan Kecil, Butterworth.	00
Permohonan Mendapatkan Pandangan Mengenai Pengurusan Air Sisa Buangan Dari Pusat Penyembelihan Ternakan Sungai Pinang.	00
Cadangan Untuk Menggunakan Tanah Bermilik Kerajaan Untuk Tujuan Tapak Perkuburan Atas Lot 299, Mukim 8, SPS Sebagai Tapak Perusahaan Semaian.	00
Permohonan Kebenaran Bagi Memindah Perkuburan Lama Atas Lot 994, Mukim 11, Daerah Barat Daya.	00

Cadangan Penyatuan Akaun-Akaun Majlis Agama Islam Negeri
Pulau Pinang Di Bawah Satu Akaun Bank. 00

Permohonan Pengalihan Tapak Surau Dan Perkuburan Orang Islam
Di Atas Lot 3626, Mukim 3 (Pinang Tunggal), Seberang Perai Utara
Bagi Tujuan Rancangan Projek Tebatan Banjir Fasa 2B, Jabatan
Pengairan Dan Saliran (JPS). 00

HIMPUNAN KEPUTUSAN MESYUARAT JAWATANKUASA FATWA NEGERI PULAU PINANG TAHUN 2009

Cadangan Untuk Meroboh Dan Membina Semula Masjid Jamek
Batu Maung, Daerah Barat Daya. 00

Kedudukan Senaman YOGA Di Kalangan Umat Islam. 00

Hukum Wanita Menyerupai lelaki (Pengkid). 00

Hukum Penggunaan Ayat-Ayat Al-Quran Dan Laungan Azan
Dalam Nada Dering Dan Paparan Skrin Di Dalam Telefon Bimbit. 00

Cadangan Untuk Meroboh Surau Padang Chempedak,
Tasek Gelugor, Daerah Seberang Perai Utara. 00

Isu Bayaran Pampasan Rumah Pusaka No. 3234, Mukim 14,
Kampung Tok Subuh, Seberang Perai. 00

Hukum Menternak Dan Menjual Lintah Dan Cacing Untuk Tujuan
Perubatan Dan Kosmetik. 00

Isu Tuntutan Penganut Kristian Terhadap Penggunaan Kalimah Allah. 00

Cadangan Penyelesaian Isu Masjid Terbiar Negeri Pulau Pinang. 00

Permohonan Untuk Meroboh Dan Membina Semula Bangunan
Masjid Jamek Kota Aur, Penaga, Seberang Perai Utara(SPU) 00

Permohonan Untuk Meroboh dan Membina Semula Bangunan Masjid Jamek Lahar Kepar, Kepala Batas, Seberang Perai Utara.	00
Memohon Pengiktirafan Persatuan Seni Silat Gayung Singa Berantai (PSSGSB).	00
Cadangan Memfatwakan Ajaran Tok Husin Janggut/ ilmu Tajalli Ahmad Laksamana Sebagai Salah dan Sesat Serta Mewartakannya.	00
Permohonan Bagi Mendapatkan Status Faedah Perolehan Hasil Wakaf Atas Lot 2614, Mukim 12, Seberang Perai Utara.	00
Pengambilan Balik Tanah Di Bawah Akta pengambilan Balik Tanah 1960 Ke Atas Wakaf Di Lot-Lot Seperti Berikut :-	00
Status Wakaf Tanah Lot 1065 Mk.4 Seberang Perai Tengah.	00
Status Pewakafan Tanah Lot 1093 dan 1094 Mukim 12 Daerah Barat Daya, Pulau Pinang.	00
Cadangan Pindaan Undang-undang Berkaitan Isu Pertukaran Agama.	00
Cadangan Untuk Meroboh Surau Bagan Lalang, Daerah Seberang Perai Utara.	00
Cadangan Pembahagian Perolehan Wakaf Bagi Tujuan Pengembangan Tuntutan Keperluan Semasa.	00
Cadangan Menggunakan Wang Pampasan Pengambilan Balik Tanah (Istibdal) bagi Membeli Tanah Lot 598 dan 599, Seksyen 2 Georgetown, Daerah Timur Laut Untuk Dijadikan Tapak Tambahan Perkuburan Islam.	00
Cadangan Memfatwakan Ajaran Taslim Sebagai Salah/Sesat Serta Mewartakannya.	00



HIMPUNAN KEPUTUSAN MESYUARAT JAWATANKUASA FATWA NEGERI PULAU PINANG TAHUN 2006

Perkara:

**CADANGAN PEBESARAN SEMPADAN QARYAH LAHAR TEMBUN,
SEBERANG PERAI UTARA.**

Keputusan :

Ahli mesyuarat telah diberi taklimat oleh Tuan Haji Mohd Nor Hussin Wakil PTA Kepala Batas mengenai cadangan pembesaran sempadan Qaryah Lahar Tembun, SPU.

Mesyuarat telah memutuskan seperti berikut :

- i. Mesyuarat meluluskan cadangan pembesaran Qaryah Lahar Tembun, Seberang Perai Utara.
- ii. Pegawai Tadbir Agama Kepala Batas diminta menyedia dan melengkapkan pelan sempadan qaryah yang sedia ada dan pelan yang dicadangkan.
- iii. Pegawai Tadbir Agama juga diminta supaya mengenalpasti garis sempadan yang hendak dipakai mestilah sesuatu yang tidak berubah seperti jalanraya, parit atau tali air, sungai dan lain-lain.
- iv. Beberapa orang Ahli Jawatankuasa Fatwa yang diketuai oleh S.S Dato' Mufti akan melawat qaryah berkenaan bagi mengesahkan persempadanan tersebut.

(April 2006)

Perkara:

CADANGAN PEMBINAAN MAKAM DI MASJID NEGERI.

Keputusan:

Mesyuarat bersetuju memutuskan cadangan itu seperti berikut :

- i. Oleh kerana Kerajaan Negeri telah memutuskan kawasan letak kereta Masjid Negeri, Pulau Pinang sebagai Tanah Perkuburan T.Y..T, maka mesyuarat bersetuju perkuburan itu dibina dengan mengikut lukisan/raja Alternatif 2 dengan beberapa pengubahsuaian.
- ii. Mesyuarat juga bersetuju dengan cadangan untuk membina 12 perkuburan dikawasan tersebut dan jarak di antara sebuah kubur dengan kubur lain hendaklah 3 kaki dan perkuburan itu hendaklah seragam dan tidak berbumbung. Manakala ketinggian perkuburan itu dari permukaan tanah hendaklah tidak melebihi 1 kaki.
- iii. Mesyuarat juga mencadangkan supaya tanah kawasan tanah perkuburan itu hendaklah ditambun dengan tanah kadar ketinggian yang bersesuaian bagi mengelakkan daripada banjir.
- iv. Mesyuarat juga bersetuju supaya tanah perkuburan itu dipagar. Namun begitu, pembinaan pagar itu hendaklah bersesuaian dengan kedudukannya sebagai tanah perkuburan (tidak nampak mewah).
- v. Mesuarat mencadangkan supaya pemakaian nama Makam Negeri.

(April 2006)

Perkara:

**CADANGAN PERLAKSANAAN PEMERIKSAAN KESIHATAN
KEPADA BAKAL PENGANTIN DI NEGERI PULAU PINANG.**

Keputusan :

Ahli mesyuarat telah diberi taklimat mengenai cadangan pelaksanaan pemeriksaan kesihatan kepada bakal pengantin di Negeri Pulau Pinang oleh Ustaz Faizal Bin Ibrahim, Penolong Penagarah, Bahagian Undang-undang Syariah, JAIPP.

Mesyuarat telah memutuskan cadangan tersebut seperti berikut :

- i. Mesyuarat bersetuju supaya pemeriksaan kesihatan kepada bakal pengantin di Negeri Pulau Pinang dilaksanakan.
- ii. Mesyuarat juga bersetuju jika sekiranya seorang bakal pengantin itu didapati mempunyai kes HIV/AIDS positif, maka pihak tersebut hendaklah diberi kaunseling dan terpulanglah kepada waris yang terlibat samada untuk meneruskan atau pun tidak perkahwinan tersebut.
- iii. Mesyuarat mengkategorikan keputusan pemeriksaan kesihatan itu sebagai sulit.

(April 2006)

Perkara:

**PERMOHONAN MEWAKAFKAN TANAH ATAS LOT 624, SEKSYEN 2
GEORGETOWN, DTL OLEH PUAN HASMAH BINTI BAKAR.**

Keputusan:

Mesyuarat bersetuju memutuskan permohonan tersebut seperti berikut:

1. Bahagian Wakaf MAINPP adalah dipohon supaya mendapatkan maklumat lengkap berkenaan status Encik Osman Bin Kastawi, samada beliau salah seorang waris yang berhak ke atas Tanah Lot 624, Seksyen 2 Georgetown.

(April 2006)

Perkara :

**STATUS TAPAK PERKUBURAN ISLAM DI TAPAK KUIL HINDU
AYIRA VAISAR MERCHANTS ATAS LOT 1875 & 1876, SEK. 2
GEORGETOWN, DTL.**

Keputusan:

Mesyuarat telah memutuskan status tapak perkuburan Islam di Tapak Kuil Hindu Ayira Vaisar Merchants atas Lot 1875 & 1876, Sek 2 Georgetown, DTL adalah seperti berikut:-

1. Dalam penyiasatan yang dibuat oleh Bhg. Wakaf MAINPP, tidak ada bukti dan kesan yang menunjukkan Lot 1875 & 1876 milik orang Islam.
2. Oleh sebab itu, mesyuarat mengambil keputusan bahawa perkuburan tersebut hendaklah dipindahkan ke Tanah Perkuburan Islam yang lain.
3. Mesyuarat mencadangkan supaya kos perpindahan itu ditanggung oleh pihak kuil tersebut.

(April 2006)

Perkara :

**STATUS PEMILIKAN FAEDAH ATAS TANAH WAKAF LOT 717,
MUKIM 16, SPU.**

Keputusan:

Mesyuarat telah memutuskan status Lot 717, Mukim 16 SPU adalh seperti berikut:-

1. Untuk urusan pentadbiran Tanah Wakaf, MAINPP boleh mengambil peruntukan dari hasil Tanah Wakaf itu untuk tujuan tersebut.
2. Faedah keatas Tanah Lot 717, Mukim 16 SPU, hendaklah ditentukan berdasarkan kepada kedudukan haraki ahli keluarga berkenaan, kerana wakaf tersebut sebagai "wakaf ahli".

(April 2006)

Perkara :

ISU HUKUM AMALAN DUDUK DI ATAS KUBUR.

Keputusan:

Mesyuarat telah memutuskan isu hokum duduk diatas kubur adalah seperti berikut:-

1. Mesyuarat memutuskan bahawa amalan duduk di atas kubur adalah diharuskan iaitu kawasan tepi kubur yang tidak ada mayat dibawahnya.
2. Mesyuarat juga memutuskan hadis yang diriwayatkan oleh Imam Muslim yang bermaksud:- Dari Abu Hurairah r.a. katanya, Rasulullah bersabda “Jika kamu duduk di atas bara api, lalu terbakar baju dan kulitmu, itu adalah lebih baik bagimu daripada duduk di atas kubur.” Hadis ini bermaksud, melarang umat Islam membuat sesuatu perkara yang tidak baik diatas kubur seperti membuang najis dan sebagainya, Rujukan di dalam kitab (l’annah thalibin) m/s 121 : haram duduk di atas kubur adalah bermaksud membuang najis di atasnya. Juga diterangkan di dalam riwayat Ibnu Wahbin dalam musnadnya yang dimaksudkan dengan duduk di atas kubur ialah membuang air kecil atau besar.
3. Dalil dan hujah yang mengharuskan duduk di atas kubur (tepi kubur yang tidak ada mayat di bawahnya) seperti berikut:

Dalil dari Hadis-hadis Rasulullah s.a.w:

حدثنا عبد الله بن محمد حدثنا أبو عمار حدثنا فليح بن سليمان عن بلال بن علي عن أنس بن مالك رضي الله عنه قال (شهدنا بنتا لرسول الله صلى الله عليه وسلم قل ورسول الله صلى الله عليه وسلم جالس على القبر قل فرأيت عينيه تتمعن قال فقال: هل منكم رجل لم يقارف الليلة؟ فقال أبو طلحة: أنا قال : فانزل قال فنزل في قبرها.....)
(فتح الباري، الجزء الثالث، دوا الفكر، ص 151)

Maksudnya : Kami hadir di pengkebumian anak perempuan Rasulullah s.a.w. Baginda duduk di atas kubur dan aku melihat air matanya berlinang sambil bersabda : adakah di antara kamu yang tidak jima’ (melakukan persetubuhan) malam tadi? Abu Talhah menjawab : saya, Sabda Rasulullah s.a.w : Engkau turunlah kedalam kuburnya. Lalu Abu Talhah turun dan mengebumikannya....

حدثنا عثمان قال حدثني جرير عن سعد بن عبيدة عن أبي عبد الرحمن عن علي رضي الله عنه قال "كنا في جنازة في بقيع الغرقد، فأتانا النبي صلى الله عليه وسلم ففقد، وقعدنا حوله، ومعه مخرصة فنكس فجعل ينكت بمخرصة (فتح الباري، الجزء الثالث، دار الفكر، ص 225)

Maksudnya: kami menghadiri (perkebumian) satu jenazah di Baqi'qarqod (nama kawasan perkuburan di Madinah) dan Nabi s.a.w datang kepada kami lalu Baginda duduk dan kami pun duduk di sekeliling Baginda. Baginda membawa bersamanya sebatang tongkat lalu baginda memalingkannya dan menggariskan tanah dengan tongkat.....

Perkara :

**PERMASALAHAN PENGAGIHAN WANG ZAKAT UNTUK PROGRAM
TUISYEN UPSR/PMR DAN SPM DI SEKOLAH-SEKOLAH TERPILIH
DI PULAU PINANG.**

Keputusan:

Mesyuarat telah memutuskan seperti berikut:-

1. Pelajar-pelajar bukan Islam boleh menyertai tuisyen tersebut.
2. Ibubapa pelajar bukan Islam perlu membayar kos tuisyen untuk anak mereka atau pihak sekolah menggunakan wang dari sumber lain.
3. Untuk pembayaran kepada tenaga pengajar bukan Islam, pihak PUZ dinasihatkan supaya mengeluarkan peruntukan tersebut di atas nama sekolah berkenaan, maka tenaga pengajar yang bukan Islam itu boleh membuat tuntutan bayaran tersebut terus dari pihak sekolah.
4. Mesyuarat mencadangkan supaya matapelajaran pengetahuan Agama Islam diajar dalam program tuisyen ini dan pihak PUZ dapat menyediakan buku-buku yang berkaitan dengan 'adab-adab dalam Islam'.

(April 2006)

Perkara :

**MEMOHON SURAT SOKONGAN BAGI PROJEK TERJEMAHAN
AL-QURAN UNTUK DAKWAH DI HOTEL DAN PELBAGAI AGENSI.**

Keputusan:

Mesyuarat memutuskan bahawa permohonan untuk mendapatkan surat sokongan bagi projek terjemahan Al-Quran untuk dakwah di Hotel dan pelbagai agensi tidak diluluskan dengan beberapa alasan berikut:-

1. Permohonan ini ada kaitan dengan memohon derma daripada orang ramai, oleh itu Jawatankuasa ini tidak mempunyai bidang kuasa untuk meluluskannya.
2. Mesyuarat mencadangkan supaya pihak berkenaan memohon terus dari Jabatan Agama Islam Negeri Pulau Pinang bagi maksud serta tujuan di atas.
3. Pihak berkenaan juga dipohon supaya merujuk perkara ini kepada Jawatankuasa Dakwah dan Pembangunan Insan, Negeri Pulau Pinang.

(April 2006)

Perkara:

**CADANGAN MEMBAIKI MASJID KUALA JURU DAN MENUNAIKAN
SOLAT JUMAAT DI DEWAN SERBAGUNA KUALA JURU, SPT.**

Keputusan:

Mesyuarat bersetuju memutuskan permohonan tersebut seperti berikut:

1. Mesyuarat melahirkan rasa kesal di atas tindakan pihak masjid yang telah membenarkan pihak kontraktor merobohkan bumbung dan bahagian-bahagian lain di bangunan Masjid Kuala Juru tanpa terlebih dahulu mendapat kebenaran dari Jawatankuasa Fatwa.
2. Mesyuarat juga memohon supaya Unit Qaryah JAIPP membuat penerangan kepada semua pengurus mengenai prosedur membina semula dan meroboh masjid, supaya perkara yang berlaku ini tidak berulang lagi.
3. Mesyuarat meminta supaya laporan lengkap perkara tersebut disediakan dan dilaporkan dalam mesyuarat MAINPP.
4. Mesyuarat meluluskan permohonan untuk pembaikan bahagian bumbung Masjid Kuala Juru dan Dewan Serbaguna, Kuala Juru sebagai tempat sementara solat Jumaat.
5. Pihak urusetia dipohon supaya memantau agar bahan-bahan kayu lama yang dirobuhkan itu diuruskan dengan baik.

(Jun 2006)

Perkara:

**PERMOHONAN UNTUK MENDIRIKAN SOLAT JUMAAT DI SURAU
PUSAT SERENTI, KAMPUNG SELAMAT, TASEK GELUGOR.**

Keputusan:

Mesyuarat telah meluluskan permohonan tersebut dengan alasan-alasan berikut:-

1. Kelulusan ini diberi kerana untuk menjaga keselamatan supaya pelatih-pelatih dapat dikawal dan mengelakkan mereka dari melarikan diri jika solat Jumaat dilakukan di luar pusat.
2. Bagi melatih dan mendidik pelatih mengenai kewajipan solat Jumaat dan ianya juga sebagai sebahagian daripada proses rawatan dan pemulihan.
3. Dalil dan hujah dari ulasan kitab:-

**(فرع) لا تتعقد الجمعة عندنا بالعبيد ولا المسافرين وبه الجمهور * وقال أبو حنيفة تتعقد
(المجموع شرح المذهب ص 505)**

Maksudnya: (cabang) Hamba dan orang musafir tidak termasuk dalam bilangan Jumaat, ini adalah pendapat jumhur ulama' dan bagi pendapat Imam Hanafi kepada hamba dan musafir dimasukkan dalam bilangan Jumaat.

Harus mengadakan Jumaat di Pusat Serenti berdasarkan masalah kepada penghuni Pusat tersebut dengan berpandukan kepada hukum Jumaat dalam penjara kerana Pusat Pemulihan tersebut adalah dianggap penjara yang tidak rasmi, dengan berpegang kepada pendapat Imam Ghazali dan Imam Isnawi seperti berikut:

Himpunan Keputusan Fatwa Negeri Pulau Pinang 2006 - 2010

Telah berkata Imam Ghazali: Jika pemerintah telah melihat masalah padanya untuk ditegah, maka tegah ia, jika tidak, tidak perlu (boleh melakukan Jumaat) dan itulah yang lebih utama. Dan jika berhimpun 40 orang atau lebih di dalam kurungan (penjara), telah berkata isnawi : Maka qiasnya Jumaat wajib bagi mereka, dan jika tidak terdapat di kalangan mereka yang boleh mendirikan, maka adakah harus bagi seseorang daripada “Balad” yang tidak sukar padanya berhimpun untuk mendirikan Jumaat bagi mereka?

Dan yang zahirnya harus demikian itu seperti kata setengah-setengah ulama’ mutaakhirin.

4. Kebenaran kelulusan ini akan diisytiharkan oleh Jabatan Mufti, berkuatkuasa mulai bulan Julai 2006.

(Jun 2006)

Perkara:

**CADANGAN UNTUK MENGGUNAKAN DANA DARI AKAUN
TAWAQQUF SEBANYAK RM 450,000.00 SEBAHAGIAN KOS
PEMBELIAN BANGUNAN ALINAMIN, LEBUH CHULIA, PULAU PINANG.**

Keputusan:

Mesyuarat telah memutuskan seperti berikut:

1. Mesyuarat telah meluluskan cadangan untuk menggunakan dana dari Akaun Tawaqquf sebagai sebahagian kos pembelian Bangunan Alinamin, ini kerana isu pembelian Tanah Pantai Aceh yang sebelum ini belum selesai lagi.
2. Mesyuarat mencadangkan pihak Baitulmal MAINPP memohon wang dari Jabatan Wakaf, Zakat dan Haji Malaysia (JWZH) bagi tujuan pembelian tersebut.
3. Jika sekiranya permohonan tersebut tidak berjaya, maka mesyuarat bersetuju supaya wang dari Akaun Tawaqquf digunakan sepenuhnya untuk pembelian Bangunan Alinamin iaitu berjumlah RM 850,000.00, dan bangunan itu sebagai harta Tawaqquf.

(Jun 2006)

Perkara:

**STATUS TAPAK KUBUR ORANG ISLAM ATAS LOT 306 MUKIM 2,
SEB. PERAI SELATAN MILIK EN. GOH KHENG HUAT.**

Keputusan:

Mesyuarat telah memutuskan seperti berikut:

1. Mesyuarat mencadangkan kepada Bahagian Wakaf MAINPP supaya berusaha untuk membeli atau membuat pengambilan balik Tanah Lot 306 bagi maksud Tanah Perkuburan kerana Lot tersebut terletak bersempadan dengan Tanah Perkuburan yang sedia ada.
2. Jika sekiranya usaha untuk membeli atau pengambilan balik Lot 306 gagal, maka mesyuarat memutuskan supaya kubur tersebut dipindahkan ke Tanah Perkuburan yang berdekatan.

(Jun 2006)

Perkara:

**PERMOHONAN MEMBINA SEKOLAH AGAMA RAKYAT ATAS TAPAK
PERKUBURAN ISLAM TAMAN KUALA MUDA, PENAGA DI LOT PT 500,
MUKIM 1, SPU.**

Keputusan:

Mesyuarat telah memutuskan seperti berikut:

1. Permohonan tersebut tidak diluluskan, kerana Lot PT 500, Mukim 1, SPU adalah wakaf khas untuk perkuburan.
2. Mesyuarat mencadangkan supaya pihak berkenaan mencari tapak lain.

(Jun 2006)

Perkara:

**CADANGAN MENGADAKAN SOLAT JUMAAT DI MASJID BUKIT
BENDERA, PULAU PINANG.**

Keputusan:

Mesyuarat bersetuju memutuskan permohonan tersebut seperti berikut:

Mesyuarat mengambil keputusan untuk menangguhkan cadangan mengadakan Solat Jumaat di Masjid Bukit Bendera, Pulau Pinang kerana ianya tidak sampai ke peringkat keperluan lagi dan anak jemaah yang bermastautin di situ tidak mencukupi 40 orang seperti yang dikehendaki oleh Mazhab Syafie, walaupun dalam Mazhab yang lain (hanafi) boleh dilakukan dibimbangi boleh menimbulkan kesan yang tidak baik dalam masyarakat yang kebanyakannya berfahaman Mazhab Syafie.

(Oktober 2006)

Perkara:

**PERMOHONAN UNTUK MELETAKKAN TANAH-TANAH DIKENALI
SEBAGAI P.T.2, MUKIM A DAN P.T.73, MUKIM 1, DAERAH BARAT
DAYA, PULAU PINANG DI BAWAH PENGURUSAN BAHAGIAN
SUMBER AM, MAINPP.**

Keputusan:

Mesyuarat bersetuju memutuskan permohonan tersebut seperti berikut:

1. Tanah-tanah yang dinyatakan iaitu Tanah Lot P.T.2, Mukim A dan P.T.73, MUKIM 1, Daerah Barat Daya adalah kekal hak Akaun Tawaqquf seperti yang telah diputuskan dalam mesyuarat Jawatankuasa Syariah, bil 2/ 2005 bertarikh 5 APRIL 2005.
2. Cukai tanah ke atas lot-lot tersebut hendaklah dibayar dengan menggunakan wang dari Akaun Tawaqquf bermula dari lot-lot itu dibeli (menggunakan wang dari Akaun Tawaqquf).
3. Hasil yang diperolehi di atas lot-lot tanah tersebut dari tarikh ini dimiliki oleh Tawaqquf adalah hak Akaun Tawaqquf.

(Jun 2006)

Perkara:



Keputusan:

Mesyuarat telah memutuskan permohonan ini tidak diluluskan dengan alasan-alasan seperti berikut:-

1. Tidak sampai ke peringkat keperluan lagi
2. Jarak Institut Latihan Perindustrian dengan Masjid Kubang Menerong (dalam satu qaryah) hanya 1.5km.
3. Mempunyai kemudahan transport untuk ke Masjid Kubang Menerong.
4. Masjid Kubang Menerong masih boleh menampung anak jemaah yang sedia ada.
5. Mesyuarat mengesyorkan kepada pihak berkenaan supaya membuat permohonan tersebut sekali lagi apabila per.1.3.dan 4 tidak boleh dilaksanakan lagi.

(Jun 2006)

Perkara:

**ADUAN TAPAK PERKUBURAN ATAS LOT 3662, MUKIM 3,
SEBERANG PERAI UTARA OLEH UMIBINA (M) SDN.BHD.**

Keputusan:

Mesyuarat telah memutuskan seperti berikut:-

1. Mesyuarat memutuskan 3 buah kubur yang terdapat di atas Lot 3662 itu hendaklah dipindahkan ke tanah perkuburan yang berdekatan.
2. Mesyuarat memohon supaya proses menggali nanti mengambil kawasan yang lebih luas dari kawasan tanah perkuburan yang sediaada (3 kubur) untuk memastikan kemungkinan ada lagi tanah-tanah perkuburan yang terdapat di sekitar itu.
3. Kos permindahan itu hendaklah ditanggung oleh pihak Umibina Sdn.Bhd.

(Oktober 2006)

Perkara:

USAHA-USAHA MENGHIDUPKAN SEMULA ARQAM MELALUI SYARIKAT RUFAQA' CORPORATION SDN. BHD. (SRC) DAN RANGKAIAN SYARIKAT GABUNGANNYA.

Keputusan:

Mesyuarat telah memutuskan seperti berikut :-

Bahawa ajaran, pegangan dan fahaman yang dibawa dan dipegang oleh ahli jamaah Syarikat Rufaqa' Corporation Sdn. Bhd (SRC) dan rangkaian syarikat gabungannya adalah menyeleweng daripada ajaran islam.keputusan ini hendaklah diwartakan.

(Oktober 2006)

Perkara:

CADANGAN MELAKSANAKAN KONSEP ISTIBDAL BAGI PERMOHONAN PEMAJUAN PERUMAHAN SECARA USAHASAMA OLEH PANSPRINT CONSOLIDATED SDN. BHD. ATAS TANAH WAKAF PERKUBURAN DI LOT 45, SEKSYEN 2, BUKIT MERTAJAM, SPT.

Keputusan:

Mesyuarat telah memutuskan seperti berikut:-

1. Bersetuju supaya konsep Istibdal wakaf dilaksanakan ke atas Lot 45, seksyen 2, Bukit Mertajam.
2. Mesyuarat juga mengingatkan supaya tanah yang diistibdalkan itu hendaklah sama atau lebih baik dari tanah Lot 45.

(Oktober 2006)

Perkara:

**PERMOHONAN MENUTUP SURAU LAMA MUTIARA PERDANA,
LENGKOK KELICAP, BAYAN LEPAS, DAERAH BARAT DAYA BAGI
MEMBOLEHKAN PENDUDUK MENGGUNAKAN SURAU BARU
MUTIARA PERDANA.**

Keputusan:

Mesyuarat telah mengambil keputusan seperti berikut:-

1. Mesyuarat bersetuju supaya penduduk menggunakan bangunan baru Surau Mutiara Perdana.
2. Walau bagaimanapun, bangunan Surau Lama Mutiara Perdana mestilah dijaga dengan mengadakan aktiviti yang berfaedah seperti kelas KAFA dan sebagainya.

(November 2006)

Perkara:

**PENGESAHAN HUKUM PENGAGIHAN DANA ZAKAT KEPADA
GOLONGAN BUKAN ISLAM.**

Keputusan:

Mesyuarat telah mengambil keputusan seperti berikut:-

1. Takrif Asnaf Muallaf ialah "Seseorang yang memeluk Islam dan iman masih lemah, adalah diharapkan melalui pemberian agihan ini boleh menguatkan imannya." Takrif ini telah diputuskan dalam Muzakarah "Penetapan Pengesahan Hukum dan Dasar Agihan MAINPP" yang telah diadakan pada 26-28 September 1998 di Hotel Seri Malaysia, Bayan Baru.
2. Sumber zakat tidak boleh diberikan kepada orang bukan Islam. Ini berdasarkan kepada pendapat Mazhab Syafie dalam kitab Fiqh al-Islami Waadilah Jilid ke 2, karangan Dr. Wahbah al-Zuhaili : hal 871:

Bermaksud "zakat tidak boleh diberikan kepada orang kafir sama ada tujuannya untuk menjinakkan mereka kepada islam ataupun untuk tujuan lain. Semasa permulaan Islam orang kafir diberi zakat kerana bilangan orang Islam masih kecil, sedangkan bilangan musuh (orang kafir) ramai. Sekarang Allah telah memuliakan Islam dan penganutnya. Bilangan mereka sudah ramai dan tidak perlu lagi untuk menjinakkan orang kafir (dengan pemberian zakat). Para Khulafa al-Rasyidin pun tidak memberi zakat kepada mereka. Malah Saiyiddina Umar bin al-Khattab mengatakan, "Sesungguhnya kami tidak akan memberi sesuatu untuk mereka menganut Islam. Mereka boleh memilih sama ada hendak beriman atau menjadi kafir".
3. Mesyuarat berpendapat Program lawatan dan ziarah pesakit-pesakit di Hospital adalah baik dan patut diteruskan. Cuma sumbangan yang hendak diberikan kepada orang bukan Islam hendaklah diperolehi dari sumber lain, bukan sumber zakat.

(November 2006)

Perkara:

**CADANGAN MENAMBUN TANAH PERKUBURAN ISLAM KAYU
MATI, QARYAH MASJID AL-ITTIFAQ, SUNGAI NIBONG KECIL,
PULAU PINANG.**

Keputusan:

Mesyuarat telah mengambil keputusan seperti berikut:-

1. Mesyuarat meluluskan cadangan tersebut
2. Kaedah dan cara penambunan itu hendaklah dirujuk kepada kaedah penambunan Tanah Perkuburan Masjid Jamiul Badawi, Kepala Batas.

(November 2006)

Perkara:

**PERMASALAHAN PAJAKAN PREMIS DI ATAS TANAH WAKAF
BAGI CADANGAN USAHASAMA PEMBANGUNAN TANAH WAKAF
LOT 1444, MUKIM 4, SEBERANG JAYA, SEBERANG PERAI
TENGAH, PULAU PINANG.**

Keputusan:

Mesyuarat telah mengambil keputusan seperti berikut:-

1. Mesyuarat bersetuju Lot 1444, Mukim 4, SPT dimajukan dengan cara usahasama di antara MAINPP dengan UDA Land (North) Sdn. Bhd. sebagai balasan kepada MAINPP dengan usahasama ini UDA Land akan menyerahkan kepada MAINPP 7 unit kedai pejabat tiga tingkat bernilai RM10.88 juta.
2. Tanah Wakaf Lot 1444 ini tetap menjadi milik MAINPP sebagai pemegang amanah.
3. Borang 15 A akan digunapakai dalam proses sewaan atau pajakan yang akan dilaksanakan.
4. Mesyuarat bersetuju supaya kaedah sewaan atau pajakan yang digunapakai adalah seperti berikut:-
 - a. Menurut hukum syarak, Tanah Wakaf dan binaan yang terdapat diatasnya tidak boleh dijual, dicagar dan digadai.
 - b. Harta ini hanya boleh disewa atau dipajak iaitu dengan memberi milik manfaat dalam masa tertentu dengan kadar bayaran tertentu. Jika seseorang menyewa atau memajak sebuah rumah atau kedai maka dia boleh mengambil manfaat daripadanya mengikut kehendaknya iaitu samada dia mendiaminya dengan cara menyewa atau dengan cara memberi pinjaman (mendiami secara percuma tanpa sewaan) (Dr. Wahbah al-Zuhaily : Hal 763. Fiqh al-islami waadilah Jilid ke-4).
 - c. Berdasarkan kepada hujah di atas, maka system sewaan atau pajakan ini boleh dilaksanakan seperti berikut:-

Himpunan Keputusan Fatwa Negeri Pulau Pinang 2006 - 2010

- Setelah premis dibangunkan dalam sesebuah projek itu siap, maka ianya di bawah pentadbiran MAINPP sebagai pemegang amanah.
- MAINPP bolehlah menyewa atau memajak kepada pihak bank/institusi kewangan untuk tempoh 99 tahun, perolehan dari sewaan atau pajakan itu, MAINPP bolehlah menggunakannya untuk membuat bayaran balik kepada pemaju.
- Setelah itu, pihak bank dibolehkan untuk menyewa atau memajak kepada pihak yang ketiga (pelanggan) dalam tempoh masa yang boleh ditetapkan oleh pihak bank, seperti dalam tempoh 25 tahun.
- Pihak bank mengenakan sewaan atau pajakan dengan jumlah tertentu dalam tempoh yang ditetapkan, setelah mengambil kira keuntungan yang akan diperolehi oleh bank. Bayaran sewaan atau pajakan itu boleh dibuat dengan cara ansuran iaitu tiap-tiap bulan. Pihak bank boleh berjanji akan meneruskan sewaan atau pajakan ke atas pelanggan dalam tempoh baki tahun iaitu 74 tahun, jika sekiranya pelanggan dapat menjelaskan sewaan atau pajakan bulanan itu dengan baik hingga tamat tempoh yang ditetapkan.
- Pihak bank juga boleh membatalkan sewaan atau pajakan ke atas seseorang jika orang itu gagal menjelaskan sewaan bulannya, dengan itu pihak bank boleh menyewa atau memajak kepada orang lain.
- Jika pihak bank menetapkan sewaan atau pajakan dalam tempoh 25 tahun telah tamat, pihak bank bolehlah membaharui sewaan atau pajakan dalam tempoh baki iaitu 74 tahun. Bayaran sewaan atau pajakan dalam tempoh baki ini boleh dilaksanakan dengan cara 'token'.
- Pihak yang menyewa atau memajak dalam tempoh ini (74 tahun) dibolehkan menyewa atau memajak kepada pihak yang keempat.
- Pihak MAINPP sebagai pemegang amanah ke atas tanah wakaf ini boleh membuat apa-apa syarat yang lain yang munasabah untuk menjaga kepentingan tanah wakaf tersebut.

(November 2006)

Perkara:

**DAKWAAN KUBUR ORANG ISLAM ATAS LOT 100, SEKSYEN 1,
BUTTERWORTH, SEBERANG PERAI UTARA.**

Keputusan:

Mesyuarat telah mengambil keputusan seperti berikut:-

1. Dapatkan kepastian tentang lokasi Tanah Kubur yang terdapat di atas Lot 100, Seksyen 1, Butterworth.
2. Pindahkan Kubur-kubur itu ke tanah perkuburan yang berdekatan. Tindakan inii dilaksanakan setelah dimaklumkan kepada tuan tanah "Chye Seng Construction Sdn. Bhd."
3. Kos pemindahan ini ditanggung oleh MAINPP.

(November 2006)

Perkara :

**PERMOHONAN UNTUK MENDIRIKAN SEKOLAH AGAMA RAKYAT
ATAS LOT PT 2330, MUKIM 13, DTL DAN PERMASALAHAN TANAH
WAKAF ATAS LOT 6602, MUKIM 13, DTL.**

Keputusan:

Mesyuarat telah mengambil keputusan seperti berikut:-

1. Bahagian wakaf dipohon untuk mendapatkan surat Qauluhu al-haq yang asli.

(November 2006)

Perkara:

**CADANGAN MENGGUNAKAN SUMBER HASIL WAKAF BAGI
TUJUAN MELAKSANAKAN PROJEK PEMBANGUNAN 14 UNIT
RUMAH KEDIAMAN DI ATAS TANAH WAKAF LOT 192 MK.1,
SEBERANG PERAI TENGAH.**

Keputusan:

Mesyuarat telah mengambil keputusan seperti berikut:-

1. Mesyuarat meluluskan cadangan menggunakan sumber hasil wakaf bagi tujuan melaksanakan projek pembangunan 14 unit rumah kediaman di atas Tanah Wakaf Lot 192 Mk.1, Seberang Perai Tengah.
2. Kelulusan ini dibuat kerana ianya memberi keuntungan kepada sumber hasil wakaf.

(November 2006)

Perkara:

**PERMOHONAN KELULUSAN TAPAK TUJUAN PROJEK
PEMBINAAN GERAJ JUALAN DI ATAS LOT 1524 MK. 3, KAMPUNG
ARA KUDA (KAWASAN MASJID ARA KUDA) DAN LOT PT. 264
MK.13 KAMPUNG PADANG CEMPEDAK (KAWASAN MASJID
AR-RAHMAN PADANG CEMPEDAK) OLEH PENGARAH FAMA.**

Keputusan:

Mesyuarat telah mengambil keputusan seperti berikut:-

1. Mesyuarat meluluskan permohonan tapak untuk tujuan projek pembinaan gerai di atas lot 1524 Mk. 3, dikawasan Masjid Ara Kuda kerana ianya dibenarkan untuk kegunaan Masjid dan lain-lain Majlis Agama Islam, Pulau Pinang.
2. Mesyuarat tidak meluluskan permohonan tapak untuk tujuan projek pembinaan gerai di atas Lot PT. 264 Mk.13 di kawasan Masjid Ar-Rahman, Padang Cempedak kerana ianya dibenarkan untuk kegunaan tapak masjid sahaja. Walau bagaimanapun mesyuarat boleh meluluskan pembinaan itu dengan syarat-syaratnya itu dipinda kepada "lain-lain kegunaan Majlis Agama Islam, Pulau Pinang".

(November 2006)

**HIMPUNAN KEPUTUSAN
MESYUARAT JAWATANKUASA
FATWA NEGERI PULAU PINANG
TAHUN 2007**



Perkara:

PERMOHONAN PEMINDAHAN MASJID PAPAN, KAMPUNG PERTAMA, SUNGAI PERTAMA, SEBERANG PERAI TENGAH DARI LOT 1345 DAN LOT 1346 MUKIM 4 SERTA MENGGANTIKANNYA DENGAN TAPAK DAN BANGUNAN MASJID BARU SERTA TANAH PERKUBURAN ISLAM DI ATAS LOT 2256 DAN SEBAHAGIAN LOT 1029, MUKIM 6, SEBERANG PERAI TENGAH.

Keputusan:

- i. Bangunan Masjid Papan, Kampung Pertama kekal di atas lot 1345 dan lot 1346 Mukim 4.
 - ii. Penyediaan sebuah tapak perkuburan Islam di atas lot 2256 dan sebahagian lot 1029, Mukim 6, SPT, bolehlah dibincangkan dengan Ahli Jawatankuasa Qaryah Masjid Papan.
2. Cadangan Penubuhan Qaryah Baru, Simpang Tiga, Tasek Gelugor, Seberang Perai Utara.

Perkara:

**CADANGAN PENUBUHAN QARYAH BARU, SIMPANG TIGA,
TASEK GELUGOR, SEBERANG PERAI UTARA.**

Keputusan:

Mesyuarat mengambil keputusan memperakukan cadangan-cadangan berikut:

- i. Penubuhan Qaryah Baru Simpang Tiga, Tasek Gelugor, Seberang Perai Utara.
- ii. Cadangan penggunaan surau Kampung Besar, Tasek Gelugor, SPU, sebagai tempat sementara untuk solat Jumaat.
- iii. Cadangan pembinaan masjid baru di lot 2774 dan 2775 Mukim 12, SPU seluas 12.156 ekar untuk Qaryah Simpang Tiga, Tasek Gelugor, Seberang Perai Utara.
- iv. Memohon supaya Majlis Agama Islam Pulau Pinang, meluluskannya.

Perkara:

**PERMOHONAN UNTUK MELAKSANAKAN PROGRAM TAHFIZ
AL-QURAN OLEH MADRASAH TAHFIZ AL-KAYYIS DI MASJID
MERBAU KUDUNG, SUNGAI DUA, SEBERANG PERAI UTARA.**

Keputusan:

- i. Meluluskan permohonan untuk melaksanakan Program Tahfiz Al-Quran oleh Madrasah Tahfiz Al-Kayyis di Masjid Merbau Kudung, Sungai Dua, Seberang Perai Utara dengan syarat madrasah ini telah pun didaftarkan di bawah Bahagian Pendidikan, Jabatan Agama Islam Pulau Pinang.

**MELABUR WANG LEBIHAN ZAKAT (TAWAQQUF) DALAM
PELABURAN SIMPANAN TETAP AL-MUDHARABAH BANK ISLAM
MALAYSIA BERHAD.**

Keputusan:

- i. Meluluskan bahawa wang Tawaqquf boleh dilaburkan ke dalam pelaburan simpanan tetap Al-Mudharabah di Bank Islam Malaysia Berhad, kerana ianya lebih terjamin dan selamat.
- ii. Wang Tawaqquf berjumlah RM 20,000,000.00 yang hendak dilaburkan itu hendaklah dibahagikan kepada beberapa jumlah nilai yang lebih kecil untuk dilaburkan.
- iii. Wang keuntungan dari pelaburan ini hendaklah dimasukkan semula ke dalam akaun Tawaqquf.

**CADANGAN MEROBOK DAN MEMBINA SEMULA MASJID JAMEK
SG. GELUGOR, PULAU PINANG DI ATAS LOT 3386, 3387 DAN 3388
MUKIM 13, DAERAH TIMUR LAUT, PULAU PINANG.**

Keputusan :

- i. Bersetuju melulus cadangan merobok dan membina semula Masjid Jamek, Sg. Gelugor, Pulau Pinang.
- ii. Mesyuarat memohon supaya pelan bangunan baru yang akan disediakan nanti lebih luas dari yang sedia ada dan kedudukan bangunan masjid baru mesti di atas tapak masjid lama atau lebih luas darinya. Pelan itu nanti hendaklah dikemukakan kepada Mesyuarat Jawatankuasa Fatwa Negeri Pulau Pinang terlebih dahulu.

**MEMOHON UNTUK MEMINDAHKAN KUBUR-KUBUR YANG ADA
DI KAWASAN CADANGAN BAGI PEMBESARAN MASJID JAMEK
SUNGAI GELUGOR DI ATAS LOT 3386, 3387 DAN 3388 MUKIM 13
DAERAH TIMUR LAUT.**

Keputusan :

- i. Oleh kerana cadangan pembesaran ruang Masjid yang dikemukakan itu penting dan ianya perlu disegerakan, maka mesyuarat mencadangkan Pegawai Tadbir Agama Daerah Timur Laut, dapat menyediakan kertas cadangan itu dan dikemukakan dalam Mesyuarat Jawatankuasa Fatwa Negeri Pulau Pinang .

**ADUAN TAPAK JIRAT HINDU DI ATAS LOT 1276 MUKIM 11,
SEBERANG PERAI UTARA.**

Keputusan :

- i. Mesyuarat mengambil keputusan supaya Bahagian Wakaf MAINPP merujuk perkara ini ke Pejabat Penasihat Undang-Undang, Negeri Pulau Pinang.

**MASALAH BINAAN TANDAS MEMASUKI SEBAHAGIAN
TANAH WAKAF PERKUBURAN MASJID JAMEK JELUTONG,
PULAU PINANG.**

Keputusan :

- i. Bangunan tandas yang dibina di atas Lot 5, Seksyen 4, Bandar Jelutong, DTL iaitu Tanah Wakaf Perkuburan Haji Slayman hendaklah dirobohkan.

**CADANGAN MEROBOH DAN MEMBINA SEMULA SURAU AL- FALAH,
GAT LEBUH MACALLUM, PULAU PINANG.**

Keputusan:

- i. Memperakukan cadangan untuk meroboh dan membina semula Surau Al-Falah, Gat Lebuah Macallum, Pulau Pinang.
- ii. Memohon supaya MAINPP meluluskannya.

**CADANGAN MEMBINA RUANG TAMBAHAN TEMPAT SOLAT
DI TINGKAT ATAS MASJID AL-ITTIFAQ, SUNGAI NIBONG KECHIL,
PULAU PINANG.**

Keputusan:

- i. Memperakukan cadangan untuk membina ruang solat tambahan di tingkat atas Masjid Al-Ittifaq, Sungai Nibong Kechil, Pulau Pinang.
- ii. Memohon supaya MAINPP meluluskannya.

**CADANGAN UNTUK MEROBOH DAN MEMBINA SEMULA MASJID
TELAGA AIR, DAERAH SEBERANG PERAI UTARA.**

Keputusan :

- i. Mesyuarat bersetuju membenarkan Masjid Telaga Air yang sedia ada dirobohkan.
- ii. Bahan-bahan binaan masjid yang dirobohkan boleh digunakan lagi hendaklah diserahkan kepada mana-mana masjid dan surau yang memerlukan. Sekiranya tidak ada, maka bahan-bahan tersebut hendaklah dijual kepada sesiapa sahaja, asalkan sudah baligh dan berakal. Hasil jualan tersebut hendaklah digunakan untuk pembangunan Masjid tersebut. Sekiranya bahan-bahan tersebut tidak boleh digunakan lagi, maka boleh ditimbus pada tapak pembinaan baru. Selain itu bahan-bahan tersebut tidak boleh dibakar, malah dibiarkan reput dengan sendiri mengikut kehendak semula jadi sekiranya ianya tidak boleh digunakan lagi.
- iii. Meluluskan pembinaan semula masjid baru di atas tapak masjid yang sedia ada dan ditapak baru iaitu tanah bersebelahan setelah proses pengambilan balik selesai.
- iv. Sebahagian tapak masjid lama yang tidak terlibat dengan pembinaan bangunan baru perlulah dibuat binaan yang bersesuaian dan boleh digunakan sebagai tempat sembahyang.

**STATUS TAPAK PERKUBURAN ISLAM DI BELAKANG RESTORAN
SUN YOON KEE SEAFOOD DI ATAS LOT NO.400, SEKSYEN 18,
GEORGETOWN, DAERAH TIMUR LAUT.**

Keputusan :

- i. Tanah perkuburan yang terletak di belakang Lot 400 tidak perlu dipindahkan sebaliknya perlu dijaga dengan baik.

**PERMOHONAN UNTUK MENENTUKAN STATUS TANAH CADANGAN
SURAU DI H.S.(D) 50272, LOT 6364, MUKIM 1, DAERAH SEBERANG
PERAI TENGAH.**

Keputusan :

- i. Mesyuarat meluluskan permohonan untuk membangunkan Perniagaan Stesyen Minyak atau apa-apa pembinaan yang sesuai dengan syarat hendaklah dibina sebuah surau bersamanya.

**CADANGAN PEMBANGUNAN TANAH WAKAF MASJID KAPITAN
KELING OLEH PELABURAN HARTANAH BUMIPUTERA BHD.**

Keputusan :

- i. Konsep pembangunan yang dicadangkan oleh PHBB tidak bercanggah dengan syarak.
- ii. Tanah Wakaf tersebut tidak boleh dicagarkan.
- iii. Konsep yang dicadangkan ini hendaklah lebih memberi keuntungan dari konsep pembangunan yang sedang dilaksanakan.

CADANGAN PENETAPAN HUKUM ZAKAT KE ATAS PROJEK TERNAKAN KAMBING BOER YANG DIUSAHAKAN LEMBAGA KEMAJUAN WILAYAH PULAU PINANG, JABATAN PERDANA MENTERI (PERDA).

Keputusan :

- i. Dikenakan zakat perniagaan.
- ii. Apabila cukup haul perniagaan, hendaklah dinilai harga semua kambing yang ada dan jika cukup nisab hendaklah dikeluarkan zakat sebanyak 2.5 % dalam bentuk Ringgit Malaysia daripada harga keseluruhan.

PERMASALAHAN MENGENAI QARYAH MASJID TASEK CEMPEDAK, SEBERANG PERAI SELATAN.

Keputusan :

- i. Majlis penerangan/penjelasan akan diadakan dalam masa yang terdekat, dan diketuai oleh Tuan Haji Ellias Zakaria.
- ii. Mesyuarat mencadangkan kepada MAINPP supaya tauliah ketiga-tiga imam yang dilantik itu ditarik balik.
- iii. Mesyuarat mencadangkan kepada MAINPP selepas ketiga-tiga imam itu ditarik tauliah mereka, maka satu pengiklanan terbuka berkaitan dengan jawatan imam diadakan. Sesiapa dari anak Qaryah Tasek Cempedak yang berminat dan berkecenderungan boleh memohon untuk ditemuduga.
- iv. Semasa kekosongan berlaku disebabkan penarikan tauliah imam dan menunggu perantikan imam-imam baru pihak Pejabat Agama Daerah Seberang Perai Selatan, hendaklah mengendali dan menjadi imam solat.

CADANGAN PENUBUHAN MASJID DAERAH SEBERANG PERAI UTARA.

Keputusan :

- i. Memperakui cadangan penubuhan dan pembinaan Masjid Daerah Seberang Perai Utara, Pulau Pinang di atas P.T.1669, Mukim 6, Jalan Bertam, Bertam, Seberang Perai Utara.
- ii. Memperakui penentuan sempadan pengurusan Masjid Daerah Seberang Perai Utara seperti yang dicadangkan.
- iii. Memohon MAINPP mempertimbangkan kelulusannya.

PERMOHONAN SUNTIKAN MODAL KEPADA SYARIKAT PERMODALAN WAKAF PULAU PINANG SDN. BHD. (PWPPSB) MENGGUNAKAN WANG DANA WAKAF.

Keputusan :

- i. Tidak diluluskan Permohonan tersebut.
- ii. Mesyuarat mencadangkan PWPPSB mendapatkan Suntikan Modal itu dari sumber yang lain.

**CADANGAN MENAMBUN TANAH PERKUBURAN ISLAM MASJID
JAMEK SUNGAI NIBONG BESAR, PULAU PINANG.**

Keputusan :

- i. Meluluskan cadangan tersebut.
- ii. Pihak berkenaan yang akan terlibat dengan kerja-kerja penambunan ini hendaklah mematuhi peraturan yang ditetapkan dan adab-adab berada di atas kubur.

**MENGUBAHSUAI BUMBUNG BANGUNAN MASJID JAMEK
PERANGIN, DAERAH TIMUR LAUT, PULAU PINANG.**

Keputusan :

- i. Mesyuarat memohon supaya Pegawai Tadbir Agama Daerah Timur Laut dan pegawai dari Pejabat Pembangunan Negeri boleh mengadakan perbincangan dengan S.S. Dato' pengerusi mengenai perkara-perkara di atas.
- ii. S.S. Dato' pengerusi boleh membuat keputusan hasil daripada perbincangan tersebut.

**TARIQAT A'LIYAH NAQSYABANDIYAH MUJADIDIYAH-AL-KHALIDIYAH
(AJARAN SULUK) KAMPUNG GURUN, PENAGA DAN PONDOK UPEH,
BALIK PULAU, PULAU PINANG.**

Keputusan :

- i. Mengadakan pertemuan dengan ahli-ahli tariqat ini bagi membetulkan perkara-perkara berikut :
 - Pengiktirafan Mursyid kepada imam/ketua.
 - Tidak hadir solat Jumaat.
 - Kedudukan saf semasa solat berjemaah.
 - Perlu menghadiri kelas-kelas pengajian yang dikendalikan oleh guru yang bertauliah.
- ii. Selepas pertemuan dan penjelasan diberi, maka pihak Jabatan Mufti bersama Bahagian Penguatkuasa JAIPP hendaklah membuat pemantauan perjalanan tariqat tersebut.
- iii. Sekiranya pengikut-pengikut tariqat ini tidak mematuhi keputusan ini, maka satu tindakan yang bersesuaian akan diambil.

PERMOHONAN UNTUK MENDAPATKAN KELULUSAN MENGUBAH DAN MENGGANTIKAN TAPAK SURAU AL-HIDAYAH, BATU UBAN, PULAU PINANG YANG TERLETAK DI ATAS TANAH WAKAF LOT 4691, MUKIM 13, DAERAH TIMUR LAUT, (GM 498) BAGI MEMBANGUNKAN SEBUAH STESYEN MINYAK SHELL.

Keputusan :

- i. Permohonan ini ditolak kerana konsep Istibdal yang hendak dilaksanakan di antara lot 4691 dengan lot 4690 bukan untuk kepentingan awam.

PERMOHONAN MENGGUNAKAN MASJID LAMA TANJUNG BUNGAH SEBAGAI PUSAT AKTIVITI MASYARAKAT KAWASAN TANJUNG BUNGAH, PULAU PINANG.

Keputusan :

- i. Permohonan ini tidak dapat diluluskan.

PERMOHONAN MENGADAKAN SOLAT JUMAAT DI SURAU LIMBUNGAN KAPAL, PENANG SHIPBUILDING & CONSTRUCTION SDN. BHD. PULAU JEREJAK, PULAU PINANG.

Keputusan :

- i. Permohonan ini tidak diluluskan dengan alasan pihak syarikat tersebut tidak menghadapi sebarang masalah untuk membawa kakitangannya ke masjid berdekatan bagi menunaikan solat Jumaat.

**CADANGAN BAYARAN 20% DARI KEUNTUNGAN PELABURAN
MUDHARABAH WANG TAWAQQUF DISUMBANGKAN KEPADA
BAHAGIAN PENTADBIRAN MAINPP.**

Keputusan :

- i. Permohonan ini tidak boleh diluluskan.
- ii. Dicapangkan kepada Pentadbiran Majlis mengemukakan kertas kerja di dalam mesyuarat MAINPP untuk memperolehi sejumlah bahagian daripada 1/8 asnaf amil yang diterima oleh PUZ sekarang ini.
- iii. Dipohon supaya Kerajaan Negeri dapat memperuntukan sejumlah geran kepada MAINPP.

**CADANGAN PENGAMBILAN BALIK TANAH ATAS LOT 4999, MUKIM 7,
SEBERANG PERAI UTARA (TAPAK MASJID DARAT).**

Keputusan :

- i. Permohonan ini tidak diluluskan.

**CADANGAN PENUBUHAN QARYAH BARU SRI AMPANGAN NIBONG
TEBAL, SEBERANG PERAI SELATAN.**

Keputusan :

- i. Permohonan untuk penubuhan Qaryah baru Sri Ampangan Nibong Tebal, Seberang Perai Selatan diluluskan.



HIMPUNAN KEPUTUSAN MESYUARAT JAWATANKUASA FATWA NEGERI PULAU PINANG TAHUN 2008

**CADANGAN PEMBINAAN BANGUNAN TAMBAHAN, BAHAGIAN
BELAKANG MASJID JAMEK JELUTONG, JALAN JELUTONG,
DAERAH TIMUR LAUT, PULAU PINANG.**

Keputusan :

- i. Mesyuarat memperakui dan menyokong cadangan pembinaan bangunan tambahan, bahagian belakang Masjid Jamek Jelutong, Daerah Timur Laut Pulau Pinang dengan mengikut pelan yang dikemukakan.
- ii. Mesyuarat memanjangkan perkara ini kepada MAINPP untuk kelulusan seterusnya.

**CADANGAN PENUBUHAN QARYAH BARU SUNGAI DUA DAN
MENDIRIKAN SOLAT JUMAAT DI MASJID AS-SOGHIR.**

Keputusan :

- i. Mesyuarat bersetuju memperakui dan menyokong perkara-perkara berikut :
 - Penubuhan qaryah baru Sungai Dua, Daerah Timur Laut.
 - Mendirikan solat Jumaat di Surau As-Soghair, Taman Pekaka, Sungai Dua.
 - Menaik taraf Surau As-Soghair, Taman Pekaka, Sungai Dua sebagai sebuah masjid.
- ii. Mesyuarat memanjangkan perkara ini kepada MAINPP untuk kelulusan seterusnya.

**PERMOHONAN UNTUK MEWAKAFKAN TANAH DAN RUMAH
OLEH PUAN HAJAH SALMIAH BINTI ABU BAKAR, ATAS LOT
3945, MUKIM 4, SEBERANG PERAI UTARA.**

Keputusan :

- i. Mesyuarat mengucapkan ribuan terima kasih di atas niat baik Puan Hajah Salmiah binti Abu Bakar yang hendak mewakafkan tanah dan rumah tersebut.
- ii. MAINPP tidak boleh melakukan proses mewakafkan tanah dan rumah tersebut kerana pewakaf tidak mampu menyerahkan barang yang hendak diwakafkan kepada penerima wakaf, kerana barang yang hendak diwakafkan itu masih dalam cagaran Kerajaan Malaysia.

**PERMOHONAN UNTUK MENGGUNAKAN SEBAHAGIAN TAPAK
MASJID ATAS LOT PT 25, MUKIM 11 (MERBAU KUDONG)
SEBERANG PERAI UTARA, SEBAGAI TAPAK PERKUBURAN ISLAM.**

Keputusan :

- i. Mesyuarat mencadangkan supaya pihak yang berkenaan membuat permohonan untuk meminda syarat-syarat nyata dalam Suratan Hakmilik Sementara (Geran) kepada Tanah yang diberimilik ini hendaklah digunakan untuk tapak masjid baru Merbau Kudong, Sungai Dua dan lain-lain aktiviti keagamaan.
- ii. Mesyuarat mengambil keputusan tidak meluluskan permohonan tersebut kerana ianya bertentangan dengan Syarat-Syarat Nyata dalam Suratan Hakmilik Sementara (Geran).

**STATUS TAPAK KUBUR ORANG ISLAM ATAS LOT 185, MUKIM 11
(CHANGKAT), SEBERANG PERAI SELATAN, MILIK EN. H'NG HA CHOO.**

Keputusan :

- i. Memberi kebenaran memindahkan dua buah kubur yang terletak di atas lot 185, Mukim 11, SPS.
- ii. Kos perbelanjaan untuk kerja-kerja pengalihan kubur ditanggung oleh tuan tanah.

**STATUS TAPAK KUBUR ORANG ISLAM ATAS LOT 2031, MUKIM
12 (SUNGAI ARA), DAERAH BARAT DAYA.**

Keputusan :

- i. Pemohon hendaklah terlebih dahulu membuat proses perletakan namanya yang sah dalam geran tersebut.

**CADANGAN UNTUK MENGGUNAKAN WANG PAMPASAN
PENGAMBILAN BALIK TANAH WAKAF BAGI MEMBELI LOT 126,
MUKIM 3 (SUNGAI RUSA), DAERAH BARAT DAYA.**

Keputusan :

- i. Meluluskan cadangan menggunakan wang pampasan pengambilan balik tanah wakaf (pelbagai) bagi membeli Lot 126, Mukim 3, Daerah Barat Daya.

**CADANGAN MEROBOH DAN MEMBINA SEMULA MASJID JAMEK
KAMPUNG BANGGOL, KEPALA BATAS, SEBERANG PERAI UTARA.**

Keputusan :

- i. Mesyuarat memperakui dan menyokong cadangan meroboh dan membina semula Masjid Jamek Kampung Banggol, Kepala Batas, Seberang Perai Utara dengan syarat komen dan ulasan daripada pihak JKR diperolehi.
- ii. Sekiranya komen dan ulasan daripada pihak JKR menunjukkan bangunan masjid itu masih kukuh, maka cadangan ini diperakui dan disokong dengan alasan untuk membesarkan bangunan masjid bagi menampung kehadiran jemaah qaryah berkenaan.
- iii. Plan bangunan masjid baru hendaklah dikemukakan kepada Mesyuarat Jawatankuasa Fatwa Negeri Pulau Pinang, sebelum proses meroboh dan pembinaan semula dilakukan.
- iv. Mesyuarat memanjangkan perkara ini kepada MAINPP untuk kelulusan seterusnya.

**PERMOHONAN MENDAPATKAN PANDANGAN SYARAK / KELULUSAN
JAWATANKUASA FATWA MENGENAI CADANGAN KUTIPAN WAKAF
TUNAI BAGI PEMBANGUNAN TABUNG DANA WAKAF PENDIDIKAN
ISDEV (WAKAF EDUCATION FUND FOR ISDEV) ATAU WISDEV OLEH
PUSAT KAJIAN PENGURUSAN PEMBANGUNAN ISLAM (ISDEV),
UNIVERSITI SAINS MALAYSIA.**

Keputusan :

- i. Meluluskan cadangan kutipan Wakaf Tunai bagi tujuan pembangunan Tabung Dana Wakaf Pendidikan ISDEV, USM.
- ii. Hasil dari kutipan wakaf tunai itu hendaklah dibelanjakan kepada perkara-perkara yang kekal.
- iii. 70% dari hasil kutipan wakaf tunai itu boleh digunakan untuk pembelian perkara-perkara yang kekal sahaja. Lafaz akad wakaf tunai itu diputuskan seperti berikut :
“ Saya wakilkan kepada ISDEV untuk mewakafkan 70% dari wang ini sebagai Wakaf Am kerana Allah S.W.T. “
- iv. 30% dari hasil kutipan tunai itu tidak menjadi wakaf kerana ianya dibelanjakan kepada perkara-perkara yang tidak kekal.

**CADANGAN MEROBOKH DAN MEMBINA SEMULA MASJID JAMEK
AL-MUNAUWAR, KELAWAI, DAERAH TIMUR LAUT, PULAU PINANG.**

Keputusan :

- i. Meluluskan cadangan merobokh dan membina semula masjid Jamek Al-Munauwar, Kelawai, Daerah Timur Laut, Pulau Pinang.
- ii. Plan bangunan masjid baru mestilah terletak di atas tapak masjid yang sedia ada atau lebih besar darinya. Oleh itu, kawasan 4 kaki yang terletak dalam kawasan rezab jalan mestilah dimasukkan sebagai tapak masjid yang baru.
- iii. Meluluskan penangguhan sementara penggunaan Masjid Jamek Al-Munauwar, Kelawai, Daerah Timur Laut, Pulau Pinang. Penangguhan ini berkuatkuasa apabila projek ini hendak dilaksanakan nanti. Tempat sementara untuk anak qayah ini menunaikan solat fardhu dan solat fardhu Jumaat ialah di bangunan sementara yang akan dibina.
- iv. Meluluskan perpindahan tiga buah kubur dan dicadangkan supaya dipindahkan ke Tanah Perkuburan Awam yang terdekat.

**CADANGAN MENGADAKAN SOLAT JUMAAT DI SURAU INSTITUT
KEMAHIRAN TINGGI PERDA (PERDA – TECH) BUKIT
PANCHOR, NIBONG TEBAL, SEBERANG PERAI SELATAN,
PULAU PINANG.**

Keputusan :

- i. Permohonan untuk mengadakan Solat Fardhu Jumaat di Surau Institut Kemahiran Tinggi PERDA Bukit Panchor, Nibong Tebal, SPS ditangguhkan.
- ii. Permohonan ini boleh dikemukakan semula setelah terdapat anak jemaah yang bermastautin di kawasan itu melebihi 40 orang.

**CADANGAN MENDAPAT PANDANGAN JAWATANKUASA FATWA
MENGENAI CORAK-CORAK PADA DINDING MARMAR, MASJID
JAMEK HAJI ABDUL KADIR, BAGAN TUAN KECIL, BUTTERWORTH.**

Keputusan :

- i. Satu pekeliling hendaklah dikeluarkan oleh Bahagian Qaryah JAIPP kepada semua pengerusi Qaryah Masjid dalam Negeri Pulau Pinang mengenai :
“kerja-kerja pengindahan, pengukiran dan perhiasan yang hendak dibuat di dalam masjid, hendaklah terlebih dahulu merujuk perkara tersebut kepada Majlis Agama Islam Negeri Pulau Pinang.
- ii. Bagi hiasan (corak) yang terdapat di dinding Masjid Haji Abdul Kadir, Bagan Tuan Kecil, Butterworth hendaklah ianya ditutup pada bahagian-bahagian yang menimbulkan kesamaran apabila dilihat.

**PERMOHONAN MENDAPATKAN PANDANGAN MENGENAI
PENGURUSAN AIR SISA BUANGAN DARI PUSAT TERNAKAN
SUNGAI PINANG.**

Keputusan :

- i. Mesyuarat memutuskan air yang terhasil selepas dirawat walaupun telah berlaku percampuran sisa air basuhan dan sisa buangan khinzir sebelumnya, air itu adalah dihukum suci dan bersih.
- ii. Air rawatan tersebut boleh digunakan bagi tujuan menyiram pokok dan juga untuk kerja-kerja kebersihan kawasan loji.
- iii. Lawatan ke loji kumbahan tersebut perlu dibuat bagi tujuan pengesahan kedudukan air rawatan tersebut.

**CADANGAN UNTUK MENGGUNAKAN TANAH BERIMILIK
KERAJAAN UNTUK TUJUAN TAPAK PERKUBURAN ATAS
LOT 299, MUKIM 8, SPS SEBAGAI TAPAK PERUSAHAAN SEMAIAN.**

Keputusan :

- i. Mesyuarat memutuskan tanah Lot 229, Mukim 8, SPS boleh dibangunkan untuk tujuan perusahaan yang bersifat sementara sehinggalah tanah tersebut digunakan sebagai tanah perkuburan sebagaimana maksud asal wakaf.
- ii. Mesyuarat memberi persetujuan kepada pihak Sejati Manis Sdn. Bhd. yang bercadang menyewa tanah tersebut untuk dijadikan tapak perusahaan. Namun, mesyuarat mencadangkan pihak MAINPP agar mengkaji semula kadar sewaan RM1000.00 setahun sebagaimana cadangan pihak pemaju.
- iii. Mesyuarat mencadangkan pihak MAINPP, sekiranya ada permohonan daripada qaryah untuk memajukan tanah tersebut, maka permohonan tersebut hendaklah diutamakan.
- iv. Mesyuarat turut berpandangan agar harta-harta wakaf yang hendak dimajukan perlu mengutamakan pemaju-pemaju beragama Islam.

**PERMOHONAN KEBENARAN BAGI MEMINDAH PERKUBURAN LAMA
ATAS LOT 994, MUKIM 11, DAERAH BARAT DAYA.**

Keputusan :

- i. Mesyuarat bersetuju menangguhkan permohonan memindah perkuburan lama atas Lot 994, Mukim 11, Daerah Barat Daya sehingga semua pemilik tanah tersebut memberi persetujuan.
- ii. Permohonan ini boleh dikemukakan semula setelah mendapat persetujuan semua pemilik tanah berkenaan.

**CADANGAN PENYATUAN AKAUN-AKAUN MAJLIS AGAMA ISLAM
NEGERI PULAU PINANG DI BAWAH SATU AKAUN BANK.**

Keputusan :

- i. Mesyuarat memutuskan akaun-akaun MAINPP tidak dapat disatukan di bawah satu akaun bank buat masa ini disebabkan kerumitan yang timbul dalam mengenal-pasti keuntungan setiap satu kumpulan wang. Namun, mesyuarat bersetuju untuk mempertimbangkan perkara ini semula jika permasalahan yang timbul ini dapat diselesaikan.
- ii. Mesyuarat mencadangkan kumpulan wang Pentadbiran digabungkan dengan kumpulan wang Sumber Am. Justeru, mesyuarat mencadangkan akaun kumpulan wang MAINPP dikurangkan daripada 4 akaun kepada 3 akaun sahaja iaitu:
 - Kumpulan wang Zakat dan Fitrah
 - Kumpulan wang Wakaf, dan
 - Kumpulan wang Pentadbiran dan Sumber Am.

**PERMOHONAN PENGALIHAN TAPAK SURAU DAN PERKUBURAN
ORANG ISLAM DI ATAS LOT 3626, MUKIM 3 (PINANG TUNGGAL),
SEBERANG PERAI UTARA BAGI TUJUAN RANCANGAN PROJEK
TEBATAN BANJIR FASA 2B, JABATAN PENGAIRAN DAN SALIRAN
(JPS).**

Keputusan :

- i. Mesyuarat Jawatankuasa Fatwa Negeri Pulau Pinang bersetuju meluluskan permohonan pengalihan tapak surau dan perkuburan orang Islam di atas Lot 3626, Mukim 3 (Pinang Tunggai 1), Seberang Perai Utara bagi tujuan Rancangan Projek Tebatan Banjir Fasa 2B, Jabatan Pengairan dan Saliran (JPS).



HIMPUNAN KEPUTUSAN MESYUARAT JAWATANKUASA FATWA NEGERI PULAU PINANG TAHUN 2009

CADANGAN UNTUK MEROBOKH DAN MEMBINA SEMULA MASJID JAMEK BATU MAUNG, DAERAH BARAT DAYA.

Keputusan:

Mesyuarat bersetuju memberi kebenaran bagi merobokh dan membina semula Masjid Jamek Batu Maung dengan Syarat berikut:

- i. Pihak Qaryah mempunyai peruntukan yang mencukupi bagi tujuan pembinaan semula Masjid Jamek Batu Maung.
- ii. Pihak Pejabat Agama Daerah Barat Daya perlu merujuk dan mendapatkan kelulusan daripada Jabatan Mufti Pulau Pinang berhubung rupabentuk dan plan cadangan.

KEDUDUKAN SENAMAN YOGA DI KALANGAN UMAT ISLAM.

Keputusan:

- i. Mesyuarat setelah meneliti hujah dan dalil bersetuju bahawa senaman yoga mempunyai kaitan secara langsung dengan agama Hindu. Yoga sebagaimana yang dimaksudkan adalah didapati tidak sesuai diamalkan oleh umat Islam dan boleh merosakkan akidah umat Islam. Justeru mesyuarat memutuskan bahawa senaman yoga atau apa sahaja yang disandarkan kepada "yoga" adalah haram untuk diamalkan.
- ii. Mesyuarat turut mencadangkan kepada pihak urusetia untuk menyediakan draf perwartaan senaman yoga dan dibentangkan di dalam mesyuarat yang akan datang untuk penelitian dan pengesahan.

HUKUM WANITA MENYERUPAI LELAKI (PENGKID).

Keputusan:

- i. Mesyuarat setelah meneliti hujah dan dalil bersetuju bahawa, iaitu wanita yang berpenampilan dan gerak laku serta mempunyai naluri seksual seperti lelaki adalah haram di sisi Islam.
- ii. Mesyuarat turut mencadangkan kepada pihak urusetia untuk menyediakan draf perwartaan pengharaman pengkid dan dibentangkan di dalam mesyuarat yang akan untuk penelitian dan pengesahan.

HUKUM PENGGUNAAN AYAT-AYAT AL-QURAN DAN LAUNGAN AZAN DALAM NADA DERING DAN PAPARAN SKRIN DI DALAM TELEFON BIMBIT.

Keputusan:

- i. Hukum penggunaan ayat-ayat suci Al-Quran dan laungan azan dalam nada dering dan paparan skrin di dalam telefon bimbit adalah harus. Walau bagaimanapun, pengguna telefon bimbit hendaklah sentiasa menjaga kesucian Al-Quran seperti tidak membiarkan deringan Al-Quran atau laungan azan ketika berada di dalam tandas.

CADANGAN UNTUK MEROBOH SURAU PADANG CHEMAPEDAK, TASEK GELUGOR, DAERAH SEBERANG PERAI UTARA.

Keputusan:

- i. Mesyuarat bersetuju memberi kebenaran meroboh surau Padang Chempedak yang telah terbiar dan tidak lagi digunakan untuk sebarang program-program keagamaan.
- ii. Mesyuarat mencadangkan kayu-kayu dan bahan-bahan binaan surau atau sekolah-sekolah di dalam qaryah tersebut atau qaryah yang berhampiran.

**ISU BAYARAN PAMPASAN RUMAH PUSAKA NO. 3234, MUKIM 14,
KAMPUNG TOK SUBUH, SEBERANG PERAI.**

Keputusan:

- i. Mesyuarat memutuskan tapak rumah no 3234 adalah kepunyaan En. Saad Bin Yaakob memandangkan tapak rumah tersebut terletak di atas tanah milik En. Saad sebagaimana pembahagian yang telah dipersetujui bersama oleh Saad dan Ishak iaitu waris kepada Yaakob.
- ii. Manakala rumah tersebut dianggap sebagai rumah pusaka dan diwarisi oleh Saad dan Ishak. Justeru bayaran pampasan ke atas rumah yang bernilai RM14,000.00 perlu dibahagi $\frac{1}{2}$ kepada waris Saad dan $\frac{1}{2}$ kepada waris Ishak. Pembahagian kepada waris-waris perlu dibuat mengikut kaedah faraid.
- iii. Mesyuarat berpandangan tuntutan bayaran pampasan yang dibuat oleh Nazri Bin Ismail dan Ramli Bin Ishak ketika menduduki rumah no 3234 adalah satu tuntutan yang tidak munasabah memandangkan mereka berdua mendudukinya secara percuma berbanding waris-waris yang lain. Justeru mesyuarat memutuskan tiada sebarang tuntutan bayaran pampasan boleh dibuat sama ada oleh Nazri Bin Ismail ataupun Ramli Bin Ishak.

**HUKUM MENTERNAK DAN MENJUAL LINTAH DAN CACING UNTUK
TUJUAN PERUBATAN DAN KOSMETIK.**

Keputusan:

- i. Mesyuarat bersetuju menyokong keputusan Muzakarah Fatwa Kebangsaan kali ke-81 yang memutuskan bahawa menggunakan lintah dan cacing dalam perubatan dan sebagai bahan dalam kosmetik adalah harus. Begitu juga hukum menternak atau berjual beli atas dasar manfaat yang diperolehi daripada kedua-dua haiwan tersebut adalah harus.
- ii. Mesyuarat turut berpandangan tidak timbul sebarang unsur penderaan atau penyeksaan terhadap haiwan lain dalam proses pembiakan lintah dan cacing. Namun, mesyuarat melarang sama sekali penggunaan bahan-bahan makanan daripada najis jenis mughalazah dalam apa jua ternakan sama ada lintah atau cacing.

**ISU TUNTUTAN PENGANUT KRISTIAN TERHADAP PENGGUNAAN
KALIMAH ALLAH.**

Keputusan:

- i. Mesyuarat bersetuju menyokong keputusan Muzakarah Fatwa Kebangsaan kali ke-82 yang memutuskan bahawa lafaz kalimah Allah merupakan kalimah suci yang khusus bagi agama dan umat dan ia tidak boleh digunakan atau disamakan dengan agama-agama bukan Islam yang lain. Oleh itu, wajib bagi umat Islam menjaganya dengan cara yang terbaik dan sekiranya terdapat unsur-unsur penghinaan atau penyalahgunaan terhadap kalimah tersebut, maka ia perlu disekat mengikut peruntukan undang-undang yang telah termaktub dalam Perlembagaan Persekutuan.
- ii. Mesyuarat turut mencadangkan agar satu kajian dibuat oleh pihak Urusetia bagi mengenalpasti beberapa perkataan lain yang khusus digunakan oleh umat Islam dan tidak oleh agama-agama lain.
- iii. Mesyuarat bersetuju agar keputusan ini diwartakan.

CADANGAN PENYELESAIAN ISU MASJID TERBIAR NEGERI PULAU PINANG.

Keputusan:

- i. Masjid Sungai Dua hendaklah dibaiki dan dihidupkan semula untuk didirikan solat Zohor dan Asar di dalamnya. Hal ini adalah bagi menjaga wakaf orang-orang terdahulu dan harta umat Islam.
- ii. Masjid Ara Kuda diputuskan seperti yang telah dicadangkan di dalam kertas kerja yang dibentangkan iaitu dijadikan kelas tahfiz serta ditawarkan kepada NGO Islam. Manakala nama masjid tersebut mestilah dikekalkan.
- iii. Masjid Simpang Ampat pula diputuskan untuk dikekalkan sebagai masjid yang asal. Masjid hendaklah dibaik pulih dan dijadikan sama ada sebagai Perpustakaan Islam, Pusat Islam atau Kelas Tahfiz. Ini adalah demi mengekalkan kesucian masjid tersebut.
- iv. Jawatankuasa ini telah menggariskan beberapa panduan bagi mengharuskan sesuatu masjid itu dirobohkan, seperti berikut :-
 - a) Apabila sesuatu masjid itu telah terlalu lama dan dibimbangi bangunannya akan runtuh. Dalam hal ini masjid baru hendaklah didirikan semula di situ.
 - b) Apabila berlaku kesilapan penentuan arah kiblat. Masjid baru hendaklah dibina dengan arah kiblat yang betul.
 - c) Apabila masjid sedia ada telah menjadi sempit dengan bertambahnya para jemaah. Dalam hal ini masjid itu sama ada diruntuhkan sebahagiannya atau seluruhnya untuk diperbesarkan bagi menampung para jemaah yang ada ketika itu.
 - d) Apabila masjid dibina di atas kubur dan kubur tersebut telah wujud sebelum masjid dibina di atasnya serta tidak diketahui sebelum itu.

**PERMOHONAN UNTUK MEROBOKH DAN MEMBINA SEMULA
BANGUNAN MASJID JAMEK KOTA AUR, PENAGA, SEBERANG PERAI
UTARA (SPU)**

Keputusan:

- i. Mesyuarat bersetuju melulus dan membenarkan Masjid Jamek Kota Aur dirobohkan dan dibina semula di atas alasan-alasan berikut :-
 - a) Masjid sedia ada tidak dapat lagi menampung ahli jemaah untuk menunaikan solat dan perlu dirobohkan untuk tujuan pembesaran.
 - b) Laporan yang dikemukakan pihak JKR adalah satu alasan yang munasabah.
 - c) Peruntukan untuk pembinaan masjid baru telah ada.
- ii. Masjid baru hendaklah dibina di atas tapak asal, di samping sebahagian tanah Lot 2654 yang telah dibuat pengambilan tanah oleh kerajaan Negeri pada 19 Julai 2006 lalu.
- iii. Mesyuarat juga memutuskan pelan perancangan pembinaan masjid baru hendaklah dikemukakan kepada jawatankuasa ini terlebih dahulu bagi mendapat pandangan lanjut berkaitan pembinaan masjid baru kelak.

**PERMOHONAN UNTUK MEROBOKH DAN MEMBINA SEMULA
BANGUNAN MASJID JAMEK LAHAR KEPAR, KEPALA BATAS,
SEBERANG PERAI UTARA.**

Keputusan:

- i. Mesyuarat bersetuju meluluskan Masjid Jamek Lahar Kepar dirobohkan dengan beberapa syarat seperti berikut : -
 - a) Pelan perancangan pembinaan masjid baru hendaklah dikemukakan kepada jawatankuasa ini terlebih dahulu bagi mendapat pandangan lanjut berkaitan pembinaan masjid baru.
 - b) Masjid baru perlu dibina dua tingkat dan jika dibina semula dengan keluasan yang sama jawatankuasa ini tidak membenarkan ia dirobohkan.
 - c) Pelan masjid baru hendaklah mengambil kira bertambahnya kapasiti para jemaah.
- ii. Keputusan-keputusan lain akan dibuat kemudian apabila pelan pembinaan masjid baru di kemukakan kepada jawatankuasa ini kelak.

**MEMOHON PENGIKTIRAFAN PERSATUAN SENI SILAT GAYUNG
SINGA BERANTAI (PSSGSB).**

Keputusan:

- i. Mesyuarat mencadangkan permohonan pengiktirafan PSSGSB ini dibawa kepada Muzakarah Jawatankuasa Fatwa Kebangsaan.
- ii. Kertas kerja perlu dihantar terlebih dahulu kepada Bahagian Penyelidikan, Jabatan Kemajuan Islam Malaysia (JAKIM) bagi penelitian Panel Kajian Akidah.
- iii. Keputusan ini dibuat kerana PSSGSB telah melibatkan banyak negeri di Malaysia terutamanya di sekolah-sekolah.

**CADANGAN MEMFATWAKAN AJARAN TOK HUSIN JANGGUT/ IIMU
TAJALLI AHMAD LAKSAMANA SEBAGAI SALAH DAN SESAT SERTA
MEWARTAKANNYA.**

Keputusan:

- i. Mesyuarat memutuskan bahawa Ajaran Tok Husin Janggut / ilmu Tajali Ahmad Laksamana adalah salah atau sesat.
- ii Tindakan susulan diserahkan kepada Bahagian Penguatkuasa, Jabatan Hal Ehwal Agama Islam Pulau Pinang setelah selesai proses pewartaan.

**PERMOHONAN BAGI MENDAPATKAN STATUS FAEDAH PEROLEHAN
HASIL WAKAF ATAS LOT 2614, MUKIM 12, SEBERANG PERAI UTARA.**

Keputusan:

- i. MAINPP dan Jawatankuasa qaryah masjid hendaklah mengadakan perbincangan lanjut bagi mendapatkan keputusan yang terbaik untuk manfaat semua pihak.
- ii. Kedua-dua pihak juga perlu membuat keputusan dengan mengambil kira masalah yang lebih besar bagi maksud faedah hasil wakaf tersebut.

**PENGAMBILAN BALIK TANAH DI BAWAH AKTA PENGAMBILAN
BALIK TANAH 1960 KE ATAS WAKAF DI LOT-LOT SEPERTI
BERIKUT :-**

- i. LOT 1712, MUKIM 1, SEBERANG PERAI UTARA
- ii. LOT 2602, MUKIM 2, SEBERANG PERAI UTARA
- iii. LOT 2941, MUKIM 2, SEBERANG PERAI UTARA
- iv. LOT 3699, MUKIM 3, SEBERANG PERAI UTARA
- v. LOT 2724, MUKIM 2, SEBERANG PERAI UTARA
- vi. LOT 2792, MUKIM 3, SEBERANG PERAI UTARA.

Keputusan:

- i. Jawatankuasa Fatwa memberi kelulusan berkaitan tindakan pengambilan balik tanah di bawah Akta Pengambilan balik tanah di bawah Akta Pengambilan Tanah 1960 ke atas tanah-tanah wakaf di lot-lot berkenaan bagi tujuan Projek Landasan Keretapi Berkembar Elektrik Ipoh – Padang Besar, demi masalah am.

STATUS WAKAF TANAH LOT 1065 MK.4 SEBERANG PERAI TENGAH.

Keputusan:

- i. Tanah tersebut adalah Wakaf Am.
- ii. MAINPP adalah sebagai pemegang amanah tunggal terhadap tanah wakaf tersebut dan tidak boleh dipertikaikan oleh pewaris.
- iii. Mengikut kaedah "Sad al Zaraie", MAINPP sebagai pemegang amanah, boleh mencegah daripada berlaku sebarang penyelewengan.

**CADANGAN UNTUK MEROBOKH SURAU BAGAN LALANG,
DAERAH SEBERANG PERAI UTARA.**

Keputusan:

- i. Mesyuarat bersetuju memberi kebenaran bagi merobokh Surau Bagan Lalang, Daerah Seberang Perai Utara yang terbiar dengan mengikut Garis Panduan Pelupusan Bahan Binaan Masjid dan Surau yang telah disediakan.

**CADANGAN PEMBAHAGIAN PEROLEHAN WAKAF BAGI TUJUAN
PENGEMBANGAN TUNTUTAN KEPERLUAN SEMASA.**

Keputusan:

- i. Jawatankuasa Fatwa bersetuju dengan cadangan pembahagian perolehan wakaf mengikut pembahagian yang dicadangkan tertakluk kepada keperluan pengurusan dari semasa ke semasa.

**CADANGAN MENGGUNAKAN WANG PAMPASAN PENGAMBILAN
BALIK TANAH (ISTIBDAL) BAGI MEMBELI TANAH LOT 598 DAN 599,
SEKSYEN 2 GEORGETOWN, DAERAH TIMUR LAUT UNTUK
DIJADIKAN TAPAK TAMBAHAN PERKUBURAN ISLAM.**

Keputusan:

- i. Mesyuarat bersetuju dan memberi kebenaran untuk melaksanakan istibdal tertakluk kepada syarat sebenar tanah wakaf yang hendak dijadikan istibdal tersebut.
- ii. MAINPP perlu terlebih dahulu merujuk kepada syarat sebenar tanah wakaf berkaitan.

**CADANGAN MEMFATWAKAN AJARAN TASLIM SEBAGAI SALAH/
SESAT SERTA MEWARTAKANNYA.**

Keputusan:

- i. Mesyuarat memutuskan Ajaran Taslim adalah haram dan sesat.
- ii. Mesyuarat perlu dimaklumkan berkaitan sumber rujukan ciri-ciri tersebut sebelum diwartakan.

**CADANGAN MEMFATWAKAN BUKU / RISALAH / KERTAS KERJA
'ULUL ALBAB' SEBAGAI SALAH / SESAT SERTA MEWARTAKANNYA.**

Keputusan:

- i. Buku / Risalah / Kertas Kerja 'Ulul Albab' adalah salah atau sesat serta bersetuju untuk diwartakan.
- ii. Tindakan susulan akan diserahkan kepada Bahagian Penguatkuasaan, Jabatan Hal Ehwal Agama Islam Pulau Pinang untuk merampas buku tersebut setelah selesai proses pewartaan.

**PENGAMBILAN BALIK TANAH DI BAWAH AKTA PENGAMBILAN
BALIK TANAH 1960 KE ATAS WAKAF DI LOT-LOT SEPERTI BERIKUT :-**

- I. LOT 1218, MUKIM 20, SEBERANG PERAI SELATAN.**
- II. LOT 1217, MUKIM 20, SEBERANG PERAI SELATAN.**
- III. LOT 350, MUKIM 20, SEBERANG PERAI SELATAN.**
- IV. LOT 614, MUKIM 7, SEBERANG PERAI SELATAN.**
- V. LOT 615, MUKIM 7, SEBERANG PERAI SELATAN.**

Keputusan:

- i. Jawatankuasa Fatwa memberi kelulusan berkaitan tindakan pengambilan balik tanah dibawah Akta Pengambilan Tanah 1960 ke atas tanah-tanah wakaf di lot-lot berkenaan bagi tujuan Projek Landasan Keretapi Berkembar Elektrik Ipoh-Padang Besar, demi masalah am.

ISU KELAHIRAN ANAK PRAMATANG.

Keputusan:

- i. Mesyuarat bersetuju agar satu pertemuan lanjut dapat dibuat diantara pihak doktor pakar dengan Mufti Negeri Pulau Pinang bagi membincangkan perkara tersebut dengan teliti.



HIMPUNAN KEPUTUSAN MESYUARAT JAWATANKUASA FATWA NEGERI PULAU PINANG TAHUN 2010

HUKUM TRANSPLAN ORGAN DAN TISU.

Keputusan:

- i. Mesyuarat bersetuju mewartakan Hukum Transplan Organ Dan Tisu dengan sedikit penambahan pada warta tersebut iaitu :-
 - a) Harus melakukan pemindahan organ dan tisu dari orang Islam kepada penerima bukan Islam dan sebaliknya.
 - b) Orang kafir harbi tidak diharuskan menerima organ dan tisu orang Islam.

PERMOHONAN UNTUK MEROBOKH DAN MEMBINA SEMULA MASJID JAMEK LAHAR TABUT, PENAGA, SEBERANG PERAI UTARA.

Keputusan:

- i. Mesyuarat bersetuju memberi kebenaran untuk merobokh dan membina semula Masjid Jamek Lahar Tabut dengan syarat mengemukakan pelan perancangan pembinaan masjid baru kepada jawatankuasa ini terlebih dahulu bagi mendapat pandangan lanjut berkaitan pembinaan masjid baru kelak.

- ii. Memberi kebenaran untuk menunaikan Solat Jumaat dan Solat Fardhu di tempat sementara iaitu di Sekolah Agama Rakyat Lahar Tabut sehingga masjid baru siap dibina.
- iii. Perpindahan 5 buah kubur lama tidak boleh diputuskan lagi memandangkan pelan perancangan pembinaan masjid baru tidak disertakan dan dibentangkan di dalam mesyuarat ini.

**RAYUAN PERMOHONAN KEBENARAN BAGI MEMINDAH KUBUR
LAMA ATAS LOT 994, MUKIM 11, DAERAH BARAT DAYA.**

Keputusan:

- i. Meluluskan pemindahan kubur lama atas Lot 994, Mukim 11, Daerah Barat Daya demi masalah am.
- ii. Kos pembiayaan bagi pemindahan kubur-kubur berkenaan hendaklah ditanggung oleh pemilik tanah tersebut.
- iii. Tanah bahagian Baitumal di atas Lot 994 tersebut, diserahkan kepada pihak MAINPP untuk membuat keputusan.
- iv. Keputusan fatwa ini adalah mengikut kes tertentu sahaja (case by case) dan perlu diberi penjelasan kepada masyarakat supaya tidak dieksploitasikan isu tersebut.

**PENGAMBILAN BALIK TANAH DI BAWAH AKTA PENGAMBILAN
BALIK TANAH 1960 KE ATAS TANAH WAKAF DI LOT PT 106,
MUKIM 15, SEBERANG PERAI SELATAN.**

Keputusan:

- i. Jawatankuasa Fatwa memberi kelulusan berkaitan tindakan pengambilan balik tanah di bawah Akta Pengambilan Balik Tanah 1960 ke atas tanah wakaf di Lot PT 106, Mukim 15, SPS bagi tujuan Projek Landasan Keretapi Berkembar Elektrik demi masalah am.

TEMPOH 'IDDAH BAGI PEREMPUAN YANG DIBUANG RAHIM.

Keputusan:

- i. Mesyuarat memutuskan bahawa perempuan yang dibuang rahimnya ber'iddah selama 3 bulan mengambil kira kaedah perempuan yang telah putus asa daripada kedatangan haid.

SEMAKAN BUKU SUBHANA MAULID.

Keputusan:

- i. Mesyuarat memutuskan bahawa penggunaan buku Subhana Maulid adalah dibolehkan dan tidak terdapat sebarang percanggahan dari sudut hukum syara'.

CADANGAN UNTUK MEMPERKEMBANGKAN SUMBANGAN SKIM DANA WAKAF PULAU PINANG MELALUI PELAN TAKAFUL WAKAF.

Keputusan:

- i. Oleh kerana kertas cadangan ini menyentuh isu nasional, mesyuarat mencadangkan isu ini dibawa kepada Jabatan Kemajuan Islam Malaysia untuk dikaji dan dibincangkan di dalam Muzakarah Fatwa Kebangsaan.

**STATUS MASJID LAMA SUNGAI BATU, TELUK KUMBAR DI ATAS
LOT 739, MUKIM 11, DAERAH BARAT DAYA.**

Keputusan:

- i. Mesyuarat memutuskan masjid tersebut hendaklah dibaik pulih semula dan dijaga sebagai masjid yang telah diwakafkan.

**KERTAS CADANGAN UNTUK MEMBINA SURAU 1 ½ TINGKAT
BERSERTA JAMBATAN PENGHUBUNG BERHAMPIRAN LOT PT 370
HS (D) 1182 UNTUK TETUAN PENANG PORT SDN. BHD.**

Keputusan:

- i. Mesyuarat memberi kelulusan cadangan pembinaan surau 1 ½ tingkat tersebut, dengan syarat-syarat berikut :-
 - i.i Tangga untuk naik/turun ke/dari tingkat atas surau hendaklah berada di dalam ruang solat supaya tidak putus hubungan di antara imam dan makmum yang berjemaah di tingkat atas.
 - i.ii Pihak arkitek perlu menyediakan pelan baru untuk dikemukakan kepada S.S Datuk Mufti bagi memperakukan kedudukan tangga telah mengikut kehendak hukum syara'.

**KERTAS CADANGAN UNTUK MELUPUSKAN BATU NISAN DAN
KAEDAH PELUPUSAN.**

Keputusan:

- i. Pejabat Agama Butterworth dan Jawatankuasa Qaryah masjid hendaklah membuat iklan selama 3 bulan di masjid Kubang Buaya dan di kawasan-kawasan yang bersesuaian di dalam qaryah berkenaan serta membuat pengumuman pada hari Jumaat sepanjang tempoh berkenaan bagi memaklumkan kepada anak qaryah/waris si mati bagi menuntut batu-batu nisan tersebut.
- ii. Jika tiada tuntutan daripada pihak waris-waris si mati, maka batu-batu nisan yang tercatat ayat-ayat al Quran hendaklah dihapuskan dan ditanam melebihi 7 kaki ke dalam tanah, di kawasan perkuburan berkenaan, manakala batu-batu nisan yang tiada ayat-ayat al Quran hendaklah dilupuskan dan ditanam bersama batu-batu nisan tersebut.

**KERTAS CADANGAN MENGADAKAN PASAR ASNAF BAGI TUJUAN
PROMOSI PRODUK USAHAWAN ASNAF ZAKAT DAN
MENINGKATKAN PENDAPATAN ASNAF ZAKAT.**

Keputusan:

- i. PUZ perlu menyediakan garis panduan had kifayah dan memberi latihan yang menyeluruh kepada para peserta.
- ii. PUZ juga perlu memperluaskan kepada muallaf dan memastikan kategori yang betul bagi para pelajar.

ISU FATWA DAN WARTA – KALIMAH-KALIMAH SUCI YANG KHUSUS BAGI AGAMA ISLAM DAN TIDAK BOLEH DIGUNAKAN AGAMA-AGAMA ISLAM.

Keputusan:

- i. Mengekalkan Fatwa dan Warta Kalimah-Kalimah Suci Yang Khusus Bagi Agama Islam Dan Tidak Boleh Digunakan Agama-Agama Bukan Islam.
- ii. Keputusan ini akan dimaklumkan kepada Y.B Tuan Haji Abdul Malik bin Abul Kassim, Ahli Majlis Mesyuarat Kerajaan Negeri Pulau Pinang (EXCO), Hal Ehwal Agama, Perdagangan Dalam Negeri Dan Hal Ehwal Pengguna.

SEMAKAN RISALAH KORBAN AGONG.

Keputusan:

- i. Risalah Korban Agong adalah salah dan sesat serta bersetuju untuk diwartakan.

KERTAS CADANGAN PERLANTIKAN HAKIM SYARIE WANITA : SATU KEPERLUAN SEMASA.

Keputusan:

- i. Mesyuarat bersetuju untuk menolak cadangan perlantikan Hakim Syarie wanita kerana bukan dalam keadaan terdesak.
- ii. Mesyuarat menyarankan agar pihak JKSNPP merujuk Kitab Risalah Ahkam mengenai perlantikan hakim wanita sebagai rujukan yang lengkap.

CADANGAN PENUBUHAN QARYAH BARU DI DAERAH SPU.

Keputusan:

- i. Mesyuarat bersetuju dengan penubuhan qaryah baru di Daerah Kepala Batas, SPU dengan syarat dikemukakan pelan persempadanan qaryah dalam mesyuarat yang akan datang.

CADANGAN MEMFATWAKAN AMALAN PERBOMOCHAN PAK MUS DAN AMALAN-AMALAN PERBOMOCHAN LAIN YANG BERCANGGAH DENGAN AKIDAH ISLAMIAH SEBAGAI SALAH / SESAT SERTA MEWARTAKANNYA.

Keputusan:

- i. Siasatan lanjut perlu dijalankan terutamanya mengenai latar belakang gurunya iaitu Kiai Haji Samsuri (pernah mengajar di Pokok Sena, Kedah).
- ii. Pak Mus perlu dipanggil untuk berbincang bagi melengkapkan siasatan berkaitan kes ini dan mengetahui dengan lebih mendalam kaedah perubatan yang dijalankan.
- iii. Mewartakan Garis Panduan Perbomohan yang telah dikeluarkan oleh JAKIM.

CADANGAN MEMFATWA BUKU FAHAMAN SYIAH BERTAJUK '14 MANUSIA SUCI' SEBAGAI SALAH ATAU SESAT SERTA MEWARTAKANNYA.

Keputusan:

- i. Mesyuarat memutuskan agar dipanjangkan isu ini kepada pihak JAKIM untuk diputuskan di dalam Muzakarah Fatwa Kebangsaan, kerana ia melibatkan isu kebangsaan.

**MASALAH JUMLAH MAKMUM SOLAT MASJID ARA KUDA,
BUTTERWORTH.**

Keputusan:

- i. Menurut pandangan dhoif dalam Mazhab Syafie, syarat 40 orang adalah kekal tetapi tidak disyaratkan jemaah yang hadir adalah yang bermastautin sahaja. Oleh itu jemaah yang bermukim juga diambil kira dalam menentukan bilangan ahli Jumaat.
- ii. Solat Jumaat pada 23 Julai 2010 yang lalu adalah sah mengikut hukum syarak kerana bilangan ahli Jumaat melebihi 40 orang termasuk mereka yang bermukim.

**CADANGAN PENGAMBILAN TANAH MASJID NEGERI OLEH MAJLIS
PERBANDARAN NEGERI PULAU PINANG (MPPP) BAGI TUJUAN
MENAIKTARAF JALAN MASJID NEGERI PULAU PINANG.**

Keputusan:

- i. Setiap tanah yang diperuntukkan atau digunakan sebagai masjid hendaklah digazet sebagai tanah wakaf sebagai syarat nyata untuk masa hadapan.
- ii. Memberi kebenaran kepada pihak MPPP untuk menggunakan tanah masjid Negeri Pulau Pinang seluas 4 meter sahaja, untuk digunakan sebagai jalan raya. Tanah tersebut tidak diserahkan sebagai milik MAINPP kerana ia adalah tanah wakaf berdasarkan hukum syarak :-

Maksudnya : Dan tidak terbatal wakaf dalam apa keadaan jua sekali pun, bahkan ia tetap kekal sebagai wakaf....

(Hasyiah l'annah al Tolibin, al Syed al Bakri ibn al Syed Muhammad Syato al Dimiyati, Jld. 3, Hal. 198, 1993M/1414H, Cet. Dar al Fikr, Beirut)

**KERTAS CADANGAN PERMOHONAN BANTUAN MEMBELI TANAH
DI LOT 148 MUKIM 9, DAERAH BARAT DAYA UNTUK DIWAKAFKAN
KEPADA MASJID TELUK KUMBAR OLEH QARYAH MASJID TELUK
KUMBAR, PULAU PINANG.**

Keputusan:

- i. Pihak PUZ dan MAINPP perlu mengadakan perbincangan dengan pihak Qaryah Masjid Teluk Kumbar untuk mendapatkan persetujuan sama ada:-
 - a. berkongsi bahagian di mana pihak qaryah sebanyak 10% iaitu jumlah yang telah dibayar pihak qaryah kepada pemilik tanah sejumlah RM 37,000.00 dan pihak MAINPP sebanyak 90% iaitu jumlah yang akan dibiayai oleh MAINPP, sebanyak RM 333,000.00 sebagai wakaf am. Jika mendapat sebarang hasil dari tanah tersebut kelak ia hendaklah dibahagikan mengikut bahagian masing-masing seperti yang telah dipersetujui. Pihak MAINPP dan qaryah perlu menyediakan surat ikatan amanah yang jelas berkaitan hak tersebut oleh MAINPP hendaklah melalui dana wakaf atau dana istibdal atau ;
 - b. pihak MAINPP boleh memberi pinjaman kepada pihak qaryah bagi melangsaikan baki bayaran harga tanah tersebut melalui wang baitumal atau ;
 - c. MAINPP boleh memberi kesemua tanah tersebut daripada pihak qaryah Masjid Teluk Kumbar dengan menggunakan wang dana wakaf maka jadilah ia tanah wakaf am atau wang baitumal maka jadilah tanah baitulmal.

**PERMOHONAN MENDAPATKAN PANDANGAN DAN HUKUM
BERKAITAN ISU DOA KEPADA PEMERINTAH DAN NON-MUSLIM
DALAM KHUTBAH JUMAAT.**

Keputusan:

- i. Pada asasnya doa kepada orang bukan islam untuk mendapat hidayah dan permohonan kesihatan adalah diharuskan.
- ii. Mendoakan kepada orang bukan islam di dalam khutbah Jumaat tanpa mendoakan kepada pemimpin islam secara khusus boleh menimbulkan fitnah dan ia tidak boleh sama sekali. Kaedah Fiqh menyebutkan :-

Maksudnya : Menolak kemudaratan lebih diutamakan daripada menarik kemaslahatan.

(Al Qawaid al Fiqhiah, Ali Ahmad An Nadwi, Hal.207, Cet. Ketiga 1994, Dar al Qalam, Damsyik)

- iii. MAINPP boleh mengeluarkan arahan kepada semua Jawatankuasa Qaryah supaya tidak dibenar meninggalkan doa kepada yang di-Pertuan Agong dan T.Y.T Yang di-Pertua Negeri di dalam khutbah Jumaat.

**PERMOHONAN UNTUK MEROBOK BANGUNAN MASJID LAMA
RANTAU PANJANG, PENAGA, SEBERANG PERAI UTARA.**

Keputusan:

- i. Harus merobok masjid lama Rantau Panjang, penaga, Seberang Perai Utara demi mashlahah 'ammah.
- ii. Perkakas atau bahan binaan masjid, seperti kayu-kayu, besi-besi, dan batu-batu sekiranya boleh digunakan hendaklah diserahkan kepada masjid baru Rantau Panjang atau mana-mana masjid atau surau yang memerlukan. Sekiranya tidak ada, maka bahan-bahan tersebut hendaklah dijual kepada sesiapa sahaja, asalkan sudah baligh dan berakal. Hasil jualan tersebut hendaklah digunakan untuk pembangunan masjid baru Rantau Panjang, apabila diperlukan. Sekiranya bahan-bahan tersebut tidak boleh digunakan lagi, maka boleh ditimbus atau dibiarkan pada kawasan masjid baru Rantau panjang dan tidak boleh dibakar, malah dibiarkan reput dengan sendiri mengikut kehendak semulajadi.
- iii. Wang hasil jualan bahan-bahan lama tersebut jika ada, hendaklah diserahkan kepada MAINPP untuk kepentingan masjid baru Rantau Panjang dengan niat wakaf.

**PERMOHONAN UNTUK MEROBOK BANGUNAN SURAU KAMPUNG
BUKIT SEMENTUL, PINANG TUNGGAL, SEBERANG PERAI UTARA.**

Keputusan:

- i. Harus merobok bangunan Surau Kampung Bukit Sementul, Pinang Tunggal, Seberang Perai Utara demi masalah 'ammah.
- ii. Perkakas atau bahan binaan surau, seperti kayu-kayu, besi-besi, dan batu-batu hendaklah digunakan untuk pembinaan surau yang baru, atau boleh diserahkan kepada mana-mana masjid atau surau yang memerlukan. Sekiranya tidak ada, maka bahan-bahan tersebut hendaklah dijual kepada sesiapa saja, asalkan sudah baligh dan berakal. Hasil jualan tersebut hendaklah digunakan untuk pembangunan surau yang baru. Sekiranya bahan-bahan tersebut tidak boleh digunakan lagi, maka bolehlah ditimbus pada tapak pembinaan yang baru dan bahan-bahan tersebut

tidak boleh dibakar, malah dibiarkan reput dengan sendiri mengikut kehendak semulajadi.

- iii. Wang hasil jualan bahan-bahan lama tersebut jika ada, hendaklah diserahkan kepada pihak MAINPP untuk kepentingan surau baru yang akan dibina dengan niat wakaf.

**PERMOHONAN UNTUK MEROBOH BANGUNAN SURAU PINANG
TUNGKAL TEPI SUNGAI, SEBERANG PERAI UTARA.**

Keputusan:

- i. Harus meroboh bangunan surau Pinang Tunggal Tepi Sungai, Seberang Perai Utara demi masalah 'ammah.
- ii. Perkakas atau bahan binaan surau, seperti kayu-kayu, besi-besi, dan batu-batu hendaklah digunakan untuk pembinaan surau yang baru, atau boleh diserahkan kepada mana-mana masjid atau surau yang memerlukan. Sekiranya tidak ada, maka bahan-bahan tersebut hendaklah dijual kepada sesiapa sahaja, asalkan sudah baligh dan berakal. Hasil jualan tersebut hendaklah digunakan untuk pembangunan surau yang baru. Sekiranya bahan-bahan tersebut tidak boleh digunakan lagi, maka bolehlah ditimbus pada tapak pembinaan yang baru dan bahan-bahan tersebut tidak boleh dibakar, malah dibiarkan reput dengan sendiri mengikut kehendak semulajadi.
- iii. Wang hasil jualan bahan-bahan lama tersebut jika ada, hendaklah diserahkan kepada pihak MAINPP untuk kepentingan surau baru yang akan dibina dengan niat wakaf.